

明治
新刻

日本政記


大郷穆編次

第九冊

特32

506

第九冊目次
卷之十六
山親町天皇



明治十二年九月廿七日購求

教 育 博

明治新刻 日本政記卷之十六

石川縣——大鄉——穆——編次

第百六世
紀元二千二百十八年

正親町天皇
諱方仁。後奈良帝長子。母吉德門院。藤原氏參議賢房女。在位十九年。改元三。永錄元年。龜天正。

十月帝踐祚關白前嗣如故

永祿元年戊午大將軍義輝與細川晴元陣坂下

六角義賢來援三好範長使松永久秀拒之義

賢進戰不利乃與範長講和○先是德川竹千

類國史
屬雜史
冊十
函
第七
第一
四

代在駿河加元服命名元信請今川義元歸岡
 崎省祖先墳墓更名元康復如駿河至是義元
 謂元康曰子盍復子舊領諸城歸織田信長者
 元康曰固所願也乃歸岡崎會宗族將士議戰
 先攻鈴木重教於寺部擊走之斬首百餘級遂
 攻廣瀨信長遣津田兵庫來援大久保忠世與
 鬪斬之凱旋岡崎尋復如駿河義元遺佩刀賀
 捷元康年十七○初織田信行潛聚兵欲擊兄
 信長代之柴田勝家數諫信行踈斥之是歲春

足利義輝歸京師

齊藤義龍弒父秀龍

信行饗諸將士不及勝家勝家怒詣信長告其
 反信長乃稱疾使人告欲讓家於信行信行即
 至將入信長卧内信長豫伏力士斃之○大將
 軍義輝歸京師細川晴元遁走三好範長遣人
 囚之○二年齊藤義龍弒其父秀龍初秀龍以
 義龍為庸劣愛少子欲立為嗣義龍怨之誘殺
 少子與秀龍鬪遂殺之織田信長將兵援秀龍
 不及還○上杉謙信入朝天子賜酒侑以寶劍
 名五虎先是謙信上書告東伐事且請攝家一

人爲關東主而已輔之如北條氏故事至是再請關白藤原前嗣東下許之又謁將軍義輝賜偏諱改名輝虎○先是安見美作逐其主畠山高政高政奔紀伊至是高政起兵與三好範長講和範長乃率兵入河內取高屋城納高政安見奔大和範長與高政謀徙細川氏綱于淀○織田信長將山口弘定叛信長附今川義元城村木信長攻下之又攻笠寺城城將戶部某驍勇不可下信長命侍史贖作戶部通織田氏書

德川家
康納糧
大高

令人齎示義元義元怒召戶部殺之義元嬖臣某譖弘定有反心亦怒殺之已而遣諸將守大高笠寺等城德川元康守科野信長亦修諸城壘分將士守之時大高告糧竭義元使元康納糧焉而城左右皆敵寨衆難之元康以計誘敵悉出向外乃覘間納糧而還信長視其陣整不敢犯元康尋復如駿河○浮田直家剛懷有智略浦上宗景益寵之直家常憾嶋村豐後中村備中害其祖父能家欲復其讐會宗景疑二人

行即位禮毛利元就獻資

挾異圖直家因媒孽訴一人罪請誅之宗景許之直家乃託獵過備中宴飲留宿視隙斬之及斬使宗景稱備中叛趣豐後赴援豐後至即亦斬之宗景割一人邑賞直家於是直家威權漸熾富軼其主○三年正月帝即位毛利元就獻租稅助資詔賞之叙從四位下任大膳大夫賜菊桐章尋遷陸奥守○先是淺井亮政卒子久政嗣為人剛戾嘗殺諫臣其子長政新九郎幼有祖風諸將多歸心時六角義賢勢強盛久政以

淺井長政

其難抗終屬義賢納義賢幸平井加賀女妻長政長政既壯恥屬六角氏與陪臣婚乃出其妻加賀忿恚勸義賢攻擊自是湖北戰起連亡高宮大尾淺妻諸城而久政狂暴益甚疆土日縮於是諸將相謀因久政遊獵要之傳封長政至是長政大徵兵復所亡諸城擊義賢於宇曾川走之長政又下肥田城而歸○二好範長從將軍義輝入朝任修理大夫其臣松永久秀任彈正少弼久秀本賈人以慧黠為範長所親任○

桶峽之戰

初畠山高政之復高屋。以湯川直光為宰。直光粗暴貪黷。國人不附。高政復召安見美作。以代直光。範長聞之怒。攻高政。高政與安見出奔。範長使弟實休守高屋。遣松永久秀徇大和下澤口萬歲諸城。大和平。○五月。今川義元大舉侵尾張。織田信長逆擊於桶峽。大破之。斬義元。初義元使德川元康納糧大高。自將駿遠參三國。兵四萬五千。至池鯉鮒。攻丸根鷺津。一城拔之。以大高當敵衝。撰元康於衆中守其城。自進陣。

桶峽。信長會將士議戰。衆皆欲據本城以待敵。信長意敵運糧大高。終夜不息。又拔一城。其兵必疲。義元亦當懈於備。乃曰。先君有言。隣寇之犯境。苟失機會。我士將有內變。當疾擊卻之。吾不敢背先君之教。將一戰決勝敗也。汝等努力。乃出祈捷。熱田祠陰使祠官鳴甲于龕中。信長顧衆曰。神助我也。行收諸城兵。凡三千騎。柴田勝家。池田信輝等。以兵寡皆有難色。獨梁田政綱贊信長之意曰。敵經數戰。未更其陣。顧兵

皆疲我襲其不意一戰可克矣信長乃伏旗鼓
 循山而馳瞰視義元營先衆馳下會雷雨昏黑
 衆皆鼓譟所營而入營中大驚擾亂毛利秀高
 進刺義元斬其首而出信長逐北斬首二千餘
 級進拔數城賽熱田而返兵聲大振信長既入
 清洲論功行賞授政綱以沓懸邑賞過秀高
 中井積善曰桶峽之事尾之幸而駿之不幸也
 我豈論以成敗哉然駿之所以敗亦有自取耳
 蓋視其小尾也可以知其驕矣視其虐參岡也

可以知其吝矣己驕且吝周公之才尚不足觀
 焉迺義元氏之不足與有爲者決也抑駿之封
 殖矣世雄視關以東當大有爲之世擁大有爲
 之資而一敗塗地身膏鋒鏑亦終於不振可勝
 歎哉
 青山延子曰世之論功大抵以魚髮灼爛者爲
 上賞至曲突先見之言黜而不錄往往皆然信
 長之行賞先善謀而後首功可謂善賞矣宜其
 興也勃焉

土佐長曾我部氏

義元既死元康在大高諸將勸元康班師元康恐事出謬傳遣人偵之則信矣乃整軍東還將入岡崎以為此未全復我舊而今乘義元之死自取之不義也駐軍二日及今川氏成兵棄城去乃曰彼弄而我取有何不可遂入城元康六歲出質

十四年而得復歸○長曾我部國親卒子元親嗣宮內少輔國親之先出於秦河勝始自信濃徙土佐者曰能俊子孫世居曾我部因氏焉文明中一條房家教房之次子為土佐國司其部下有七郡司以輔

蘇對關白南國主

政郎長曾我部氏本山氏吉良氏其二族也國親父兼序為本山茂辰吉良駿河所害國親常欲報其仇以計離間六族遂殺駿河而茂辰多黨未能報也茂辰屬邑潮江多海賊嘗掠奪國親運糧於是國親怒攻茂辰於長濱與戰元親從焉元親時年二十二僅率二十騎離本軍而陣將士皆危之元親馬上揮槍直進殪敵三騎而敵雲集國親勵兵馳救之擊茂辰大破走之乃揚凱而歸元親後發取路宇津山謂眾曰滅

潮江賊當有日。我將先覽其地形而歸。衆止之。不聽。比至山腹。土寇聚攻。元親擊走之。既上嶺。下瞰潮江城。知其無人。即勵衆下山。直破城門。而入。衆驚問曰。何以知城空。曰。城上飛鳥不驚。且土寇之走。无一人顧城。吾是以知之。元親曰。哲美貌。常沉默。居內不與外事。諸將初侮之。目為處女。國親亦以癡漢呼之。至是皆驚歎焉。尋國親卒。○九月。關白前嗣東下。至越後。○四年。三好慶興範長之子如京師。謁將軍義輝。義輝奏請。

關白前嗣至
越後

以慶興任筑前守。賜其偏諱。更名義長。尋臨義長第。○詔以飛彈國司藤原嗣賴稱姊小路任參議。是時兵亂相踵。朝臣任國司者多為土豪所滅。唯飛彈伊勢土佐二國僅存云。○初。德川元康歸岡崎。士民謹呼。國內諸城主悉來謁。其屬織田信長者不肯降。元康乃將兵攻。舉母廣瀨杏懸等下之。信長謂水野信元曰。吾既獲義元。以為子之甥。當收兵服從。今乃強橫如此。信元恐嫌疑。發兵攻岡崎。元康邀戰。交綏。至是信元復。

關白前嗣至
越後

上杉謙
信攻北
條氏康

來侵元康邀擊之於石瀨破之又遣松平好景
大炊攻板倉重定彈於中嶋重定走佐脇○先
 是上杉謙信爲上杉憲政謀擊北條氏康使人
 謀之氏康每戰用奇曰彼用奇吾用正也將兵
 入上野數戰至是謙信擁關白前嗣將七十六
 將兵凡十一萬進攻小田原氏康會諸將議戰
 諸將或言發兵逆擊或言發江戶河越兵前後
 夾擊衆議不一氏康曰謙信慄悍而短慮將士
 不服必不能持久吾厚集我兵嬰城固守則不

戰而彼將自潰矣乃召八州將士堅壁不敢出
 時武田信玄聞謙信攻氏康曰謙信行軍敏捷
 得之天資而以威力御下關東將士必不能堪
 終當歸氏康既而謙信糧盡輒引去入鎌倉詣
 鶴岡祠關東將士迎謁路傍忍城主成田長泰
下總稱源賴義故事立馬祠前以待謙信以爲
 倨傲取扇撲其面長泰恚遂不辭而歸諸將由
 是亦相繼叛去謙信遂班師○六角義賢糾合
 細川氏遺臣據地藏山圖討二好範長畠山氏

田村政 謙信 卷之二十一 高橋景茂

甲越和 敗

遺臣亦擁高政應之。範長聞警，遣子義長陣梅津。松永久秀陣西院，以拒義賢。冬，康守岸和田，以備高政。既而久秀與義賢戰，義賢選射手三百，憑林射之，飛箭雨注。久秀不能進，兵多死，遂引去。○初，武田信玄之與上杉謙信講和也，隔河而相見，謙信先下馬，信玄禮甚不遜。謙信怒，由是和議遂敗。及謙信攻北條氏康，氏康遣使請信玄北侵越後，以牽其勢。信玄乃令貝津城將高坂昌宣焚掠疆上。謙信大怒，自將兵一萬

河中嶋 第五戰

三千，復至信濃。陣西條山，信玄聞之，與長子義信率兵二萬次河中嶋，駐軍五日，入貝津城。乃與諸將謀，令伏兵河中，而別軍自貝津直往攻西條。謙信諜知之，欲出其意外，乃置疑兵山上，夜潛濟河而陣。信玄不之覺，至曉日昇，霧霽，見謙信牙旗逼前，將士皆失色，未暇更其陣。謙信鼓譟而進，直衝信玄麾下，麾下潰亂。信玄逃走，謙信追之。義信以一千騎尾謙信，後甘糟景茂等擊走義信。既而義信又返戰，敗之。斬越後將

日本後 卷之二十一 高橋景茂

弘 嶋津義

日向伊 東氏

志田義時以下數十人。謙信揮槍奮鬪。本莊繁長等來救。復擊走義信。眾勸謙信急收兵。謙信不肯駐軍。三日遣使信玄。欲再決戰。甲斐眾亦勸戰。信玄皆弗聽。甲越第。○先是嶋津貴久略大隅。聞伊東義祐三位將襲。飲肥遣次子忠平。後更守。飲肥是歲使島津忠親代忠平。尋義祐來攻。忠親棄城退保福嶋。又攻飲肥。復之。義祐工藤祐經之裔。世據日向。以其與嶋津氏接壤。壤爭鬪無息。○是歲齊藤義龍卒。子龍興嗣。龍

米倉丹 後作竹 楯

興亦驕侈無度。老臣皆叛。淺井長政聞之。出兵攻龍興。長政勇武無比。威名日著。織田信長遣使修好。以其妹妻焉。○五年北條氏康與武田信玄合兵。攻上杉憲勝。憲政之庶子於松山。信玄將甘利晴吉。臣米倉丹。後東竹為楯。以扞銃丸。諸隊皆倣之。遂陷城。降憲勝。松山本為太田資正備中守。入屬城。資正在厩橋。及其被攻。告急於上杉謙信。謙信至。則城既陷矣。謙信憾已之不。及事而資正之不善拒。適聞近地有私市城。乃

上杉謙
信攻私
市城

自將赴攻以資正為先導綴舟濟乃根川途過
信玄氏康軍前遣使言曰一公下憲勝而僕不
及救僕深愧之不敢徒歸今有所攻一公幸見
要不答乃圍城一晝夜拔之置守將而還復遣
使二氏軍曰僕拔私市而還兵猶可戰一公豈
有意乎亦不答謙信遂歸越後氏康謂信玄曰
公何以不戰曰吾與公敵一謙信縱勝猶可愧
信玄從容問氏康以河越之戰事氏康乃談其
略信玄還謂人曰氏康本領吾得之矣○畠山

賜密旨織田
信長

高政攻二好冬康於岸和田二好實休赴援戰
于久米田而死冬康棄城走飯森時範長衰老
方與客宴聞敗自如義長及松永久秀入援與
冬康等戮力擊高政於教興寺大破之遂取高
屋城高政逃走○十月詔賜密旨織田信長初
信長既克今川義元慨然有經略天下之志京
師人立入宗繼左京亮聞其武勇欲為朝廷用乃
說中納言藤原惟房曰方今天下大亂宮闕頽
敝供御之邑盡為武人所占君盍奏請綸旨囑

織田信長以撥亂反正之事宗繼多田業供御之絕每取給云

惟房以白帝探闡鏡室決計惟房乃使宗繼及

磯貝久次齋密旨赴尾張因賜信長以御用合

香宗繼往館所相識道家某某以告信長信長

即沐浴更衣出見宗繼宗繼宣達救旨信長感

拜因自調食以享一使告以不日入朝竭力圖

報焉○信長既奉救旨日議西上之策而患北

條氏康武田信玄兵窺其後水野信元謂曰僕

甥德川元康雖少弱天質剛銳若與彼和使彼

當東面而我專畧西面事可成矣信長大喜曰

是合我意乃使瀧川一益往求和信元亦遣使

勸元康元康重其背今川氏真義元之子舊好又憂

其妻孥在駿河乃召諸將議之酒井忠次主說

和之極便酒井正親等贊之元康乃曰及吾幼

時舊臣多死於鋒鏑思之常傷心因淚下終許

和信長大喜定國界解兵戍遂請元康來盟元

康從百餘騎赴清洲信長使林通勝等郊迎元

康入城門本多忠勝平八郎年十四舉薙刀先驅

織田信長與德川元康和

時觀者喧騰莫敢為無禮。信長出迎導入內城。植村榮政操元康刀而從。衛士叱之。榮政瞋目。又叱聲反之。既盟。信長饗元康。賜寶刀於榮政。曰。汝今日舉動如樊噲。在鴻門。畢饗而還。信長郊送。今川氏真聞之。怒然亦不能詰。○尾子晴久卒。子義久嗣。晴久與毛利元就構兵數歲。元就築連珠砦。以漸逼富田。迎京師。公卿文儒講書於軍中。以示持久之意。晴久終不決戰而卒。○是歲朝倉義景遣朝倉景行。真柄直隆十郎左衛

鬼真柄

鴻臺之戰

門等伐加賀。一向僧徒景行陣月津。賊兵來攻。直隆邀戰。直隆軀幹魁偉。能用大刀。臨陣奮揮。敵望而避之。號鬼真柄。其子隆基十郎太郎亦有膂力。俱進殪數十人。大破賊。賊徒皆降。○六年。北條氏康擊里見義弘於鴻臺。破之初。太田資正憾上杉謙信。東伐不終功也。遣使說義弘。義弘出兵下總。與資正合。將襲江戶城。氏康聞之。與子氏政將兵發小田原。義弘已至鴻臺。乃夾臺而陣。其夜氏康先鋒遠山某。富永某進濟搦木。

日本書紀 卷之二十六 高宗天皇 十六年

瀨平旦引兵上臺上敵將正木某伏臺傍卒起
要擊殺一將餘兵大敗走正木追至氏政軍氏
政麾兵橫擊卻之義弘移陣臺上檢一將首意
甚驕氏康欲為一將雪恥因氏政計急勒一軍
父子各自為先鋒自臺南北夾而登會日且暮
大霧咫尺不可辨義弘以為敵喪其良必已退
去因釋甲休兵鼓聲忽震全軍驚潰氏康自霧
中揮白秘薙刀手斫三十騎氏政等擒正木以
下十八將斬首五千級義弘資正僅以身免於

北條氏
康白秘
薙刀

是上總安房將士多降氏康○先是大友義鎮
與尼子義久通好數攻毛利元就屬城門司元
就遣隆元隆景以萬餘人赴援取神田城義鎮
使戶次鑑連齊藤鎮實等以一萬人拒之鑑連
循安達山與隆景遇令弓手亂發每矢刻已名
隆景兵頗動鎮實踰山出隆元軍後夾擊破之
隆景走保門司尋棄城逃鎮實等追擊蹙之海
隆景兵爭舟溺死者無算隆景僅免隆元置守
將於神田城還而屯岩國至是義鎮削髮號以

日本書紀 卷之二十六 高宗天皇 十六年 十五 高宗天皇 十六年

二萬人攻神田不能下朝廷遣使令元就與義
鎮和弭兵元就奉命又令與尼子義久和元就
疏不可和者十條辭之既而隆元病卒十年四元
就得計慮軍氣沮自將攻白鹿城城將松田誠
保能拒乃使銀山鑿地道城兵亦鑿而迎
之穴中與鬪遂塞穴而卻乃斷其汲道誠保偽
為浴馬使圍人盛米于斗灌注馬足元就兵見
之以為水不之也義久聞急使弟倫久九郎援
白鹿元就擊走之四郎○松永久秀弒其主二好範

松永久秀弒其主二好範

好義長

長子義長初範長老病恍惚不復省事委政於
久秀久秀威權傾其主義長心不平久秀忌義
長才望陰謀除之至是遂毒殺義長于芥川範
長以弟一存子義繼為嗣自是久秀驕恣滋甚
○六角義賢嬖臣後藤播磨子但馬父子並用
事侍寵弄權國人多歸之義賢子義弼密與左
右謀召而誅之其族黨據邑作亂義賢父子走
日野城蒲生定秀竭力保護遂平賊蒲生氏出
於藤原秀鄉世食近江蒲生郡因氏焉定秀子

近江蒲生氏

細川晴元氏綱竝卒

參河一向僧徒之亂

賢秀俱事六角氏。○是歲細川晴元細川氏綱竝卒。○七年初德川元康之與織田信長和。今川氏真怒之。遂與元康絕。元康由是數戰。略地駿河。而慮武田信玄視其虛。使松平伊忠好景之子守長澤。以備之。又使管沼定顯藤十郎城佐崎。糧儲未備。邑中上宮寺為一向宗。頗饒資糧。定顯徵之。寺僧不聽。乃奪之。僧怒。移檄同宗。合衆千餘人。攻定顯家。劫剽而去。元康聞之。捕斬其主謀。僧徒益怒。大招聚門徒。傍近將士係其宗。若

欲修仇怨者。往往歸之。吉良義諦前叛元康。而附氏真。及僧徒起。又助之。據東條。其弟賴持據荒川。酒井忠尚據上野。其餘松平家次以下數百人。一時競起。僧分之。牌書曰。進一步生極樂。卻一步墮地獄。刻日來攻。元康大驚。分兵守諸城。大久保忠俊以下守輪田。酒井正親守西尾。松平清善守竹谷。其餘十餘將各守一城。攻伐踰歲。摧陷甚力。至是賊徒皆降。特宥不罪。獨不許義諦。賴持降。皆西走。是役也。方元康擊蜂谷

日本正記 卷之二十一 高橋棟村

貞次。貞次卻松平金助罵詈追之。貞次曰。吾避主公。豈避汝哉。縱殮金助。將馘元康。呵之。貞次怖而走。寬正重追元康。臣平岩親吉發矢斃之。將馘又呵之。亦怖而走。及元康防戰甚危。土屋長吉謂其儕輩曰。吾誤黨僧徒反敵主公。今寧墮地獄。吾不忍棄舊恩矣。乃倒鋒翼蔽元康。戰而死。元康命葬其屍。○松永久秀既殺義長。至是又讒二好冬康於範長。範長怒。召冬康殺之。既而知其無辜。深悔之。由是疾益劇。尋卒。年四十三。

三好範長卒

○織田信長滅齋藤氏。取岐阜。據之初。秀龍之未死。有二驍將。信長欲除之。遂以計誑夫人齋藤氏。使秀龍誅一將。兵力自是削弱矣。而龍興暗弱。其將士多歸心於信長。信長與龍興數戰。未得志。至是。聲言攻參河。以聚兵。兵既聚。乃轉而西行。襲龍興居城井口。縱火疾攻城。兵惶駭。而降。龍興奔近江。其老臣嘗送款於信長者。皆來謁曰。君來何速也。既而信長徙居井口。更名岐阜。○是歲。將軍義輝使傳教旨。諭上杉謙

織田信長 滅齋藤氏

日本正記 卷之二十一 高橋棟村

甲越再和

信武田信玄北條氏康講和弭兵謙信乃出信
 濃與信玄會約各撰一力士使鬪勝者取河中
 謙信力士鬪勝信玄乃獨取貝津一城其餘盡
 屬謙信越後力士長谷川與五左衛門甲斐安間彦六○八年初武田
 信玄以飯富兵部為義信傳信玄庶子勝賴有
 奪嫡之志與兵部弟昌景謀使人誣告義信與
 兵部謀叛信玄怒幽義信收兵部誅之屬其部
 兵於昌景義信自殺義信勇敢善戰嘗敗上杉
 謙信軍於河中謙信深為愧甲斐將士多歸心

松永久秀弒將軍義輝

義信信玄忌之恐其倣已也遂及此云○五月
 松永久秀等攻大將軍義輝弒之迎立義榮為
 主初二好範長之死其叔父政康康長及岩成
 左通稱二好三黨久秀與之謀祕衷又謀廢義
 輝立義榮義榮之子義榮在阿波冀望將軍嘗示意
 於範長範長不肯因說二黨及久秀久秀等議
 而肯之先是上杉謙信入京師惡範長久秀專
 肆密啓義輝請除之義輝危而不許而心陰倚
 賴焉至是義輝使使召謙信久秀等大懼欲及

日本書紀卷之二十一
萬葉集卷之二十一

足利義輝
絕命辭

其未來行大事乃襲一條新第義輝帥左右拒戰卻賊數次度其終不可免自為絕命辭書之
姬人衣袖曰足利氏運命窮於此矣乃又大奮戰賊不敢逼賊池田某自門扉陰跳出刈義輝足踏之賊堆集仆障於其上攢鎗弑之豐年三十二
義輝母藤原氏大慟縱火自燒殺於是二黨擁三好義繼據高屋城以迎義榮於阿波立之尋發範長喪○先是德川元康改名家康以元康之名今川義元所命也是歲盡定參河乃置奉

佛高力
夜叉作

毛利元就
就滅尼子氏

行三人掌國內政刑以本多重次高力清長天野康景充之重次稱作左衛門性剛直清長稱與左衛門慈祥康景稱二郎兵衛沉重善謀民為之語曰佛高力夜叉作彼此無方天二郎○今川氏真誅其臣飯尾致實初致實叛氏真以其邑引間屬德川家康武田信虎亦陰謀奪駿河事露氏真大怒逐信虎誅致實信虎奔京師○九年毛利元就攻尼子義久降之初元就與義久構兵連年不決起石原龍山等十二寨以

日本書紀卷之二十一
萬葉集卷之二十一

環富田謀竭其糧也置關四方榜曰必殲之母
 使一人遁已而糧盡矣乃撤關更榜曰降者釋
 之城兵或逃或降至是義久遂致城降元就圍富田前
 而後七年元就既竝大內氏地加以尼子氏領所
 屬山陰山陽凡十三州○十年北條氏政率兵
 入上總軍二船山里見義弘在佐貫城謀使正
 木大膳以兵伏於八幡山而自將出拒義弘前
 軍與氏政前軍戰交綏已而復戰大膳自山中
 突起雙手揮大刀擊其後義弘乃揮白松薙刀

里見義弘白松

薙刀

奮進夾擊大破之殺傷過當氏政脫身逃於是
 二總諸城復屬里見氏○先是浮田直家既略
 美作浦上宗景憤為其所逼欲討之求援於毛
 利元就直家聞之急襲宗景宗景潰圍逃直家
 自立為國主元就遣二村家親圖直家直家拒
 之使人狙擊家親殪之而納款於元就至是家
 親子元親襲取直家屬城明禪寺留兵而去直
 家聞之疾攻復之遂逼元親大擊破之元親遁
 走其黨援將士皆降於是國中悉定直家又遣

浮田直家自立為國主

人畧備中。○初足利義榮之入也。松永久秀與
 三好三黨爭權有隙。畠山高政安見美作應久
 秀屯堺浦。二好義繼與三黨擊高政等破之。久
 秀度勢難抗。講和弭兵。及義榮立。三黨專功。頗
 驕。義繼惡之。遂逃歸於久秀。是春久秀據多門
 城。與高政合兵。攻二好康長於東大寺。焚而走
 之。○大友義鎮將高橋鑑種以巖屋叛。降毛利
 氏。初義鎮殺鑑種兄一萬田彈正。奪其妻。鑑種
 怨之。至是遂叛。糾合秋月種實文種等種實素

再降詔織田
 信長

圖復父仇。乃乞援於毛利氏。鑑種城寶滿山。據
 之。使其族守巖屋。義鎮聞之。遣戶次鑑連等攻
 拔巖屋。遂圍鑑種於寶滿。種實於秋月疾攻。拔
 二城。鑑種種實皆走。古所山。○嶋津貴久遣長
 子義久及次子忠平。攻伊東義祐屬城三山。破
 其外郭。守將米良筑後善拒。義久等乃引還。○
 十月。朝廷再使立入宗繼。齎詔赴岐阜。詔織田
 信長曰。朕顧四方。莫如卿武曩降密敕。囑以征
 討。卿存心王室。不憚跋涉。聞已平美濃。奮庸宣

足利義榮拜
征夷大將軍

肥後細
川氏

威朕深嘉之。宜益迪果毅。以副朕望。因錫戰袍
 一領。信長感激。受其袍。曰。臣率軍奏功之日。當
 詣闕拜賜耳。於是信長日計西上。○是歲北條
 氏康率兵二萬五千。攻上杉謙信於厩橋。縱火
 郭中。還以報小田原之役。時武田信玄將二萬
 騎。為氏康後援。謙信不敢出。遂解兵而去。○十
 一年。足利義榮拜征夷大將軍。○初將軍義輝
 之被弒也。有二弟。一曰覺慶。為一乘院主。一曰
 周髡。為鹿苑寺主。賊遣兵誘殺周髡。細川藤孝

故賴之弟。賴有裔也。○兵部大輔。奉覺慶奔近江。蓄髮更名義

昭。義昭使藤孝就六角義賢議事。屬國有難。辭
 不奉命。乃走若狹。依武田義統大膳大夫。以國小辭
 遂赴越前。依朝倉義景。義景奉之於敦賀。已而
 義景寢驕恣怠政。義昭知義景不足託大事。欲
 如美濃。使日者太華筮之。遇臨之節。曰。知臨大
 君之宜吉。公必歸京師矣。義昭意乃決。潛遣藤
 孝及上野清信。就織田信長。諭意。信長方計西
 上。大喜。即遣人逆之。義昭至美濃。信長迎謁獻

日本書紀卷之六十六 萬卷樓藏版

織田信長奉足利義昭西上

太刀鎧馬館之立正寺。義昭見信長，託以興復。信長曰：是在信長度內耳。幕下勿復為憂也。義昭大悅。既而信長自率數千騎發岐阜，至澤山。先是信長患淺井長政塞其路，遣人與長政和。至是長政來而會焉。信長又遣使六角義賢諭以順逆。三好二黨聞信長助義昭，則益陷義賢。以利以拒信長。信長使者二反，義賢竟不聽時。德川家康使松平信一以兵二千來會。信長乃將諸軍而西，兵聚者凡三萬人。義賢居觀音寺。

膽生毛

城修箕作和田山諸城。信長與長政襲箕作城。兵出戰松平信一，冒矢石而先登。諸隊繼登，城遂陷。信長面褒信一曰：卿可謂膽生毛矣。和用城兵望風解去。義賢夜棄觀音寺，遁其餘諸城。皆降。獨日野城主蒲生賢秀固守不下。信長使人說之，乃降。以其子氏鄉為質。氏鄉年甫十三。信長見而奇之，曰：此兒視膽不凡，必為奇士。以女妻焉。信長連戰三日，而近江悉平。乃奉義昭濟湖陣園城寺。三好二黨驚懼，皆棄京師去於

蒲生氏鄉

日本書紀卷之六十六 二十四 萬卷樓藏版

織田信長定京師

足利義榮薨

是信長整諸軍入京師。朝廷使藤原惟房迎勞之。信長誓首拜謝。立入宗繼。又從惟房至。信長指所服戰袍。謂之曰。是嚮所賜也。信長自出美濃至此蓋十日矣。信長令部下嚴禁侵掠。由是居民安堵。進攻二黨。岩成左通大懼。以城降。時三好政康據芥川。篠原長房據越水。二城皆潰。池田勝政後筑守獻質。乞降。高槻茨木諸城皆望風歛附。三好康長棄河內。走歸阿波。○大將軍義榮患癰。薨于富田。○三好義繼。松永久秀。乞降。義昭惡其

足利義昭拜征夷大將軍

弑逆。欲誅之。信長曰。平治天下。當務綏撫。且彼族強大。不如含弘。以收其用矣。義昭乃止。諸寇悉平。信長班師。詔以義昭任征夷大將軍。信長任左兵衛督。信長辭不拜。乃叙從五位下。任彈正忠義。昭欲令信長為管領。朝旨又擬以副將軍。皆辭不受。乃令棟取幾內地。又固辭。但置吏於界府。大津管之。辭歸岐阜。

中井積善曰。義昭氏之入。義在復讎。信長氏之出名。在討賊。宜直取三好。松永。加以顯戮。暴白。

其罪以對天下。夫然後足以酌其志。京畿風靡。巢窟既覆。一氏實凡上之肉。何難之有。今乃甘受降容。逋不復以為意。夫復讎討賊之實。安在哉。是知義昭藉以徼富貴而已矣。信長託以啓雄圖而已矣。志滿欲足。委墮至此。君子以此卜二君之不終。然觀信長恭謙之美。法政之修。猶可以有為也。唯義昭碌碌。

織田信長既復將軍義昭。略定近畿。頓致强大。而恐武田信玄。上杉謙信。議其後。又自知非一

織田信長與武田信玄婚

人敵也。乃傾意結信玄。使幣相踵於甲斐。遂送其季子勝長源三郎為質。以女妻勝賴。又為其子信忠城之介娶信玄女。深通好。以控謙信焉。○信玄既與信長婚。遂與今川氏真絕。於是伺駿河。可取。率兵屯空總。氏真親將拒之。軍清見寺。初氏真嬖人三浦義鎮用事。擅威福。舊臣嫉之。至是將士多叛。應信玄。氏真退保府中。信玄使人焚之。氏真奔懸川。○初北條氏康以女妻氏真。為其子氏政娶信玄女。至是信玄遣使說氏康。

上杉謙
信給鹽
甲斐

曰請割駿河以富士河為界東西各分屬氏康
怒曰信玄棄親以貪利是豺狼也今川氏吾祖
宗所嘗依今又結姻吾心復氏真矣乃囚使者
以兵四萬餘騎赴援是時德川家康既與信玄
約出兵遠江取久能及宇津山遂攻懸川城險
不可拔乃陣見附○先是氏真與氏康謀以信
玄國之鹽陰閉之於東海甲斐大困上杉謙信
聞之寄書信玄曰吾與公爭所爭在弓箭不在
米鹽聞今困于鹽請取之於吾國多寡唯命乃

毛利元
就定伊
豫

筑後立
花氏

使商賈平價給之○關白前久出奔以前關白
晴良再為關白○是歲毛利元就遣吉川元春
小早川隆景攻宇津宮豐綱降之定伊豫筑紫
高橋宗像秋月諸族皆屬立花鑑載亦叛大友
氏降毛利氏尋鑑載戰不利而死鑑載能直
之裔也○
十二年三好三黨復起松永久秀岩成左通畔
應之與齋藤龍興等襲義昭于本國寺三好義
繼與池田勝政伊丹親興率兵赴援戰于桂川
不利會細川藤賢等出戰勝政收兵復戰前後

織田信長修
治皇宮

夾擊大破之。織田信長聞警，單騎赴援。未至而賊平。諸國兵後至者五萬。○北條氏康將兵至駿河陣，薩埵山圖納。今川氏真、武田信玄軍興津川，相持未戰。信玄曰：「吾既知氏康與兩上杉戰手段，易與也。」數挑戰，不決。信玄因問計諸將。馬場信房曰：「臣嘗見啄木啄蟲，欲出蟲於前，先啄其後。信玄默然曰：「然。夜收軍歸，將襲相摸也。」氏康亦引去。○五月，織田信長使部將木下秀吉護衛京師，修治皇宮。初，信長修一條第，因其

舊址，拓其東北，使將軍義昭徙居焉，以備寇賊。於是信長召村井貞勝、嶋田秀滿等，諭之曰：「應仁以來，天下騷擾，王室微弱，宮闕壞圯。上自公卿，下至衆庶，誰不嗟悼。信長夙有修拓之志，兵馬空憊，遲緩至此。今畿內粗定，當修皇宮，以安宸位。雖然，民瘼未瘳，急興工役，恐擾物情，宜以漸成之。」乃留秀吉監工，而歸岐阜。秀吉、尾張中村人，後羽柴筑前守，不詳其世系。父曰彌助，初無子，與其妻祈之，於天妻夢日入懷而生之。因

豐臣秀吉

名曰日吉幼而英異八歲喪父其母挈日吉轉
寄食邑人邑人爲議再嫁筑阿彌家又甚貧乃
託日吉於其邑寺欲使爲僧日吉機敏而不曉
誦梵心竊好武事自謂僧乞丐徒耳大丈夫生
於亂世安學乞丐爲比十六歲遂去往遠江爲
土豪松下之綱嘉兵衛家奴之綱命名與助一日
問與助以甲冑之製曰有胴圓者屈伸如意其
製甚便乃使與助買之付以金數兩與助自計
謂吾攘此金以資仕進苟得意他日償之易耳

小節不足拘也謀諸叔父叔父可之因勸仕信
長與助亦以爲非信長莫足與成功名者於是
用其金辨仕裝造姓名稱木下藤吉自請爲奴
信長熟視笑曰汝面類猴其心必捷矣後試之
數事皆効乃加俸升爲吏然未使將兵也及信
長攻齋藤龍興謀築壘洲股河以一將守之諸
將皆自危莫敢當者藤吉進謂信長曰臣有一
策願當之信長許之發兵築壘數日而成於是
授藤吉以甲士五百戒而遣之藤吉乃招聚所

曾識豪俠大盜能諳地形者得蜂須賀小六稻田大炊柁原隼人以下六十餘人驅使而戰大破敵兵効首虜於信長信長乃賜滕吉一旗改命今名及一條第成義昭謂信長曰爲吾擇一驍將以鎮京師焉時柴田勝家丹羽長秀佐久間信盛以宿將見任用衆意擬二人至命發則秀吉也衆大驚皆嫉其寵遇屢譖之信長斥不納常曰用人之道當擇能否何論新故乎信長知人善任衆以此服焉

山縣禎曰足利氏之季天下大亂群雄割據兵爭不已朝廷幕府如存如亡誰復知有天子將軍之尊哉信長佐義昭以興將府營皇居以尊朝廷使天下復知有天子將軍其功不亦偉乎信長始興其規模復出乎當時群雄之上青山延于曰方天步艱難群雄雲擾之時非唯主擇臣臣亦擇主故所事得其主則言聽計從功成名著所事不得其主則竭忠見疑抱材見黜此忠臣義士之所以憤歎也信長之任用其

臣有才必舉有功必祿英傑之士咸得展其智
能秀吉起於寒微十數年間列為諸侯可謂善
擇其主矣由是觀之雖有忠義智勇之士非遇
英特之主安能施其材略哉

德川家康復攻懸川守將朝比奈泰能等出戰
于西宿家康諸將擊破之追走至城以竹楯環
攻城兵以舟師出敵軍後柳原康政等邀擊走
之家康退入引間康政仁水義長之裔也○朝比奈
泰能以孤城無救援欲接戰決死岡部正綱次郎

參河柳原氏

左衛門以為不可勸今川氏真與德川家康和氏
真乃因酒井正親等乞和家康答曰某幼為迺
翁所庇陰豈敢忘舊誼讒者所間以至攻擊公
若以遠江見附某當與北條氏康謀納公於駿
河氏真許諾家康乃使松平家忠護送氏真於
相摸氏康遣其子氏規迎之於戶倉家康為送
糧食初氏真嗣職無復讎之志弱於聲色殫極
奢侈義元嘗作書誡氏真曰若既長幼志未去
日事嬉戲棄文廢武今而弗悛其喪邦覆宗必

矣。氏真不以爲意。至是果驗。

中井積善曰。駿之事。豈足道哉。當其枕干仰膽。

之初。業已溺心乎酒色。尸位九年。復讎之舉。寥

然。亡聞。隨以亂風。繼以巫風。其亡之忽。諸宜矣。

今川氏先世。已有庭訓。語意樸實。今尚行乎。旨

倍。又加以義元規戒之切。寔有先見之明。而氏

真。惜然。可歎。爾古稱知子莫如父。猶信。

山縣禎曰。信玄不能保其姊之子。攻而奪其國。

亦何殘暴也。然既逐其父。又殺其子。何有於其

姊之子哉。豺狼心亦何足深怪矣。

德川家
康取遠江

家康既取遠江。巡視郡縣。至金谷甲斐將山縣

昌景。自駿府至。遇之於路。見其兵少。進而薄之。

家康擊卻之。初。武田信玄與家康修好。約曰。請

戮力滅今川氏真。我取大井川以東。公取大井

川以西。家康許之。至是家康怒其渝盟。遣兵攻

駿府。昌景棄城遁。乃遣使北條氏康。謀復氏真。

氏康遣兵修府中。城氏真命岡部正綱守之。

武田信玄復率兵出駿河。遂入伊豆。從馬場信

日本正言 卷之六 萬卷林齋

織田信長與北畠具教和

房言也會大雨流潦侵陣北條氏康兵夜襲其營信玄驚棄其牙旗引返○六月尼子氏遣臣山中幸盛立原之綱等聞毛利元就與大友義鎮構兵索故尼子誠久子為僧者更名勝久奉以為主入出雲復新山未次諸城○十月先是織田信長略伊勢北畠具教弟木造具政與其臣柘植某三郎左衛門叛具教通款於信長具教怒攻木造城未下至是信長將兵五萬入木造城以柘植為鄉導圍具教大河內城城據山臨谷

東帶大河內川具教分兵守要害接戰迭有勝敗瀧川一益勵眾進傅城具教豫製竹槍數萬令士卒登陴捍禦叢槍下無如蝟兵墜崖谷死者無算一益引退信長合圍踰月不能下乃絕糧道欲以疲城兵具教宰鳥屋尾某石見豫慮糧不給令軍中糝草木以故食不乏也具教撫眾眾心固結信長知不可力取乃遣使城中議和且約以次子信雄初名茶筍為具教長子具房嗣具教許諾信長乃收兵歸○武田信玄諜知北

日本正言 卷之六 萬卷林齋 三十三 萬卷林齋

武田信玄取駿河

條氏康兵專防西面在本城者甚寡乃下兵八王子攻敵城未下者聲言詣鶴岡祠告戰捷氏康氏政欲待其入鎌倉而斷後殲之令兵勿出信玄乃入小田原縱火引歸氏康次子氏輝要之三増山擊破其先鋒而衆寡不敵遂敗走信玄復視氏康兵戍駿河者舍守還救急出駿河拔九城遂陷府中○是歲大内輝弘政弘借大友氏兵海路入周防取山口毛利元就遣兵援山口擊輝弘殺之○元龜元年庚午毛利元就遣

上杉謙信與北條氏康和

輝元及吉川元春小早川隆景攻尼子勝久于末次元春夜列炬其面而自背襲之勝久與山中幸盛走新山諸城連陷○北條氏政攻佐野昌綱上杉謙信赴援擊破氏政屠飯盛城氏康請和質其季子三郎謙信許之授三郎故名曰景虎携歸○初今川氏之亡也嬖人三浦義鎮逃在其父小原鎮實華澤城至是武田信玄攻拔之父于逃高天神以城主小笠原長忠有舊也長忠併父子殺之棄尸以餒野獸○四月織

田信長攻朝倉義景于越前。拔手筒金崎二城。初將軍義昭之立也。義景不至。信長怒其拒命。至是自往討之。自近江德川家康赴援。自若狹會于敦賀。遂下二城。會淺井長政。叛應義景。欲夾擊信長。信長得報不信。以其為妹婿也。而警聞頻至。信長乃與家康議。留木下秀吉而入京。師家康與秀吉殿而退。尋各歸其國。六角義賢使杉谷善住要信長於千種路。持銃狙發。一丸中其衣袖。從者欲索賊。信長不許。○六角義賢

姊川之役

糾合土寇出野洲川。信長遣柴田勝家佐久間信盛擊破之。斬首七百餘級。○六月。信長擊長政。家康將兵會之。攻橫山城。長政請援於義景。義景使其族景健先往合兵。軍大寄山。我兵攻城甚急。長政與諸將議欲棄曉。襲其不意。信長陣龍鼻。望見北軍炬火徹宵。乃知其將來襲也。急下令勒軍為十三隊。坂井政尚池田信輝等為先鋒。以當長政。家康將其兵當景健。請稻葉通朝為後拒。旦日。長政自東。景健自西來。至姊

武門棟
梁

川與我軍遇。長政等大驚。政尚信輝進戰。不利。景健縱兵百餘。先濟家康。將本多忠勝逆擊。走之。景健以全軍進。家康次隊逆之。戰于河中。犬塚又內攬敵槍。奪而殺之。內藤正貞遺槍敵軍。再衝取之。松平忠次左手為飛箭所貫。拔之。反射。殪敵次隊。卻敵直逼麾下。家康縱左右翼夾擊。大破景健。獲其驍將真柄等十餘人。家康顧見信長軍敗。與後拒俱擊。長政又大破之。橫山以下諸城皆解。信長大賞家康功。目以武門棟。

梁是役。兵數信長所率二萬五千。家康五千。敵兵合一萬二千。斬首二千餘級。云初長政與信長婚也。信長來見。長政饗之。其部將遠藤直繼見信長侍衛甚少。白長政曰。信長舉動非常。人後必為君患。今因其無備。臣一擊殺之。乘勢攻岐阜。岐阜必降。長政不從。直繼恨其失機。至是潛入信長軍。欲刺信長。為麾下所殺。

青山延于曰。直繼之料。信長有先見之明。然而專聶之計。未為得也。方是時。長政之於信長。非

素有纖芥之恨。徒忌其聰明。整之於鼎俎之間。天下之人孰能與之哉。且英雄之生自有定數。以張良之智不能逞志於博浪。范增之勇不快意於鴻門。直繼之策安保萬全哉。長政之不從亦足以觀其倖度矣。

信長既歸岐阜。三好三黨又與齋藤龍興起兵。信長討之於攝津陣天王寺。將軍義昭陣中嶋會本願寺。光佐以大坂應三黨。信長遣佐佐成政赴拒成政等。肩矢石進將校多死。賊軍乘勝

逼前田利家。揮槍手殺數十人。賊辟易而去。初利家忤信長。旨被逐。私從軍數樹功。信長乃復之。至是力戰。全信長軍。三黨決淀河堤。灌信長營。軍中大困。信長議和弗聽。朝倉義景淺井長政時之也。合兵陣八王子。宇佐山城將森可成拒戰死之。長政進焚大津。信長聞警奉義昭還京師。直向北軍。北軍驚移陣。叡山。信長使諸將圍之。遣使諭山僧內應。弗聽。時木下秀吉自橫山丹羽長秀自澤山來援。信長得勢大喜。長政

日本正言 卷之十六 萬卷叢書

北條氏
康卒

毛利元
就卒

等懼請和不許乃請之義昭義昭自來和解之
各解兵歸國○北條氏康卒年五十六子氏政嗣氏康
智勇兼備常以身當敵有大創數十而用心於政治關東諸國倚而安焉○二年五月先是尾張一向僧徒作亂信長弟信興拒戰死之至是信長自將討之賊乘風雨迫嶮要擊氏家經國死之○毛利元就卒年七十五嫡孫輝元嗣元就患病踰歲及病篤輝元請遺言元就曰汝視一叔謂元春猶我勿違其言則可以守我業矣遂卒元就善歌詠有遺集若干卷常撫士民甚厚每得一州必擇守將誠之日

織田信
長焚叡
山

吾聞侮其人者不有其土汝先是輝元隆景皆服膺此言故士民少倍畔者
在軍聞元就病引還留元春護軍至是元春得計哭泣且自奮曰吾當殲敵以慰神靈也乃圍山中幸盛于末石執而幽之幸盛脫走元春又攻新山走尼子勝久尋勝久幸盛歸織田氏○九月信長縱火焚叡山佐久間信盛等諫曰桓武帝創立此寺以為王城鎮今滅之不可信長曰吾芟鋤國賊汝何以為不可乎吾彰大義欲以挽回衰運間關崎嶇未嘗一日安居曩擊長

日本後記 卷之十六 三十八 萬卷叢書

明智光秀

政義景將殲之於山上也。而僧徒務煽兇焰以抗王師。非國賊而何。且聞彼破其戒。恣姪慾。不修法務。安在其鎮王城也。乃縱火悉捕僧徒。併其所蓄婦女童幼皆斬之。以志賀郡封明智光秀。光秀美濃人。土岐氏之族也。○是歲皇宮成。山縣禎曰。織田氏之興。蓋有五善焉。尊朝廷。舉廢典。一也。佐將軍討叛賊。二也。嚴政令。禁貪暴。三也。任才能。錄有功。四也。弛徭役。輕賦稅。五也。信長雖有蓋世之氣。拔山之力。非有此五善以

服人心。則女得其興之速。如此其勃焉乎哉。

三年。二好義繼。松永久秀。私與畠山氏鬪。信長素疾一人。遣兵討之。久秀竟降。○十二月。先是武田信玄計。上杉謙信阻雪。不能出。復將兵入遠江。拔鞆飯田二城。信長遣部將佐久間信盛。平手汎秀等。援德川家康。至是信玄進軍三形原。兵凡四萬。縱火濱松城外。家康怒。欲出擊之。信盛以信長命止之。不聽。信玄退入伊井谷家。康遂出陣于三形原。分兵八千為九隊。渡部守

三形原之役

綱覘敵狀。諫家康勿與戰。家康叱曰：人入我室，蹴我頭，猶有偃而不鬪者哉！乃帥麾下與本多忠勝、酒井忠次等擊敵將小山田昌行、山縣昌景。走之，追北而進。武田勝頼與馬場信房自傍進，昌行、昌景皆返之。信玄縱奇兵橫擊，自鼓全軍而徐進。天地為震，家康終大敗。信盛走，汎秀死。家康切齒，揮麾扇勵衆返擊，成瀨正義、本多忠真等死者凡二百餘人。信玄益逼，家康度不可較，欲戰決死。夏，日正吉止之，扣其馬南向以

鎗鐵策馬。馬走正吉，乃止戰而死。家康得間而走入城，時已昏，或請關門不許，命開門，篝火而飽食酣睡。夜半，家康急遣兵亂射敵營，營兵駭多陷谷死。信玄遂退軍，初信長事信玄甚謹，至是信玄怒其渝盟，送汎秀首讓之，遂與信長絕。○天正元年癸酉三月，將軍義昭城石山堅困，以伐信長。信長遣兵攻拔之，初義昭多失行，信長以書諫疏其不朝天子、不撫諸侯、賄賂公行、賞罰私斷、冒貨利窮土木、昵細人事、微行等十七

足利義昭
城石山
昭城石
山伐織
田信長

日本書紀 卷之六十六 萬卷樓藏版

織田信長 山拔石

事義昭弗納遂相嫌隙至是義昭益忌信長威名欲圖之潛發使諭信玄及謙信約夾攻信長又諭毛利輝元以為後據信長使人陳其無貳義昭弗聽募兵築城自為戰備細川藤孝諫之弗從信長聞之曰吾終不得不用兵遣柴田勝家丹羽長秀明智光秀等攻石山拔之又攻破堅田信長繼至細川藤孝荒木村重迎之逢坂納款信長入京師又請和義昭復弗聽乃圍一條城義昭窮蹙求成信長許之而豫料和議復

武田信玄 卒

敗命長秀造兵艦十餘艘以備湖上乃歸岐阜○武田信玄卒年五十三子勝賴嗣初信玄欲定京畿未暇及會伊勢北畠具教與信長惡送款信玄約具兵船相迎於是信玄發兵入參河將航海途罹疾不果遺命勝賴曰吾死天下唯有一謙信而已汝宜請援以國託彼必不侵汝也言畢卒諸將以遺命秘喪以信綱信玄之弟貌肖信玄輿載之歸曰信玄有疾歸國信玄又豫具空頭花押數百紙以備書問以故無來犯者四鄰稍

日本書紀

卷之六十六

四十一

萬卷樓藏版

失好敵手

稍聞其死。謙信方食。舍箸而歎曰。失吾好敵手矣。世復有此英雄男子乎。因潛然流涕者久之。

信玄居常略涉書志。嘗書其旗曰。不動如山。侵掠如火。其靜如林。其疾如風。

青山延于曰。武田晴信以悖逆得國。殘虐不道。

取怨四方。恐身死之後。敵國來侵。故詭譎百端。

以欺天下。但知其智術之可以欺天下。而不知

其子之不肖。不足以幹父。壘墳土未乾。而闔族

夷滅。宗社丘墟。良有以也。

山縣禎曰。世之言兵者。於甲越一家。欽慕豔稱。

無所軒輊於其間矣。昔者周末。貴霸功也。世以

齊桓晉文。竝稱孔子曰。晉文公譎而不正。齊桓

公正而不譎。以正譎二字。定其軒輊。余亦曰。甲

譎而越正。信玄豺狼之行。比之於謙信。固有逕

庭矣。雖然。是猶彼善於此耳。謙信亦豈純乎正

者哉。

七月。義昭再舉兵。據嶺嶋。阻宇治川。為固。信長

即起。至澤山。乘丹羽長秀所具兵艦。渡湖直入

京師。縱火。呼譟。烟焰漲天。京師人驚其來迅速。

足利義昭再舉兵

日本正言 卷之六 萬卷林齋

足利氏

織田信長置所
司代于
京師

信長急攻一條第陷之。戍兵盡降。轉攻榎嶋。佐久間信盛。木下秀吉。與梶川某合擊。奪柵。縱火而入。義昭請降。信長使信盛秀吉遷義昭于河內。若江。既又遷諸紀伊。詔削義昭官爵。於是信長代足利氏。出令京師。蠲戶租。免徭役。賑窮民。旌節孝。以村井貞勝守長門。為所司代。遂凱旋。自足利尊氏開幕府至此。凡十五世。歷年二百三十九年。中井積善曰。義昭狂昏。不足道也。己自其出亡。唯濃焉依。逮得志也。以心克之私。肆其毒螫。諺

所謂忘暑則忘陰者。非邪。濃之於義昭也。分既非君臣。恩誼無雅素。然奉戴資給。不為不謹也。匡翼以止。不為不厚也。啓釁自彼者。再矣。不得已而應之。乃放伐之舉。不足以病濃也。易曰。負且乘。致寇之至。爭奪之世。以非人據大位。寇且自至。况速之乎。

信長至近江。攻木戶田中一城。拔之。益封明智光秀。○時岩成左通欲復義昭。據淀城。和田惟政。伊賀。據芥川城。信長遣細川藤孝攻淀。左通

日本後記 卷之六 四十三 萬卷樓藏板

日本書紀卷之六十六 高卷本非片

織田信長 淺井朝倉氏

素以勇力聞藤孝士下津權內亦勇善泅故退
至河橋與左通相搏墜水遂斬之荒木村重攻
芥川拔之初信長榜賞格曰獲主將者予萬金
獲褊裨者千金村重將中川清秀瀨兵衛○伏
濠側視惟政曉出跳出斬其首信長乃予萬金
賞之○八月信長歸岐阜居僅二日復發兵伐
淺井長政攻月瀨城下之進軍山田朝倉義景
自將來援陣田邊會燒尾城將淺井對馬以城
降信長以為鄉導義景惶懼夜焚其營而遁信

朝倉氏

長望火即以輕騎追擊佐佐成政前田利家等
先驅斬首數千獲齋藤龍興信長遂入越前次
于敦賀所在皆降義景歸一乘谷則衆散亡其
族景健等皆降於是義景棄城匿大野徵兵平
泉寺平泉寺僧徒亦通信長信長進軍龍門寺
遣兵大索誘降其族景鏡景鏡迫義景使自殺
信長梟首京師執義景母及其子斬之朝倉氏以
降將前波長俊為越前假守引兵還圍小谷城
木下秀吉與久政長政之子戰斬之長政送其妻織

日本書紀 卷之六十六 四十四 高卷本非片

日本正言 卷之十六 高松樓藏版

淺井氏亡

田氏及三女子於信長奮戰而死淺年二十九○
信長梟首京師以小谷授秀吉秀吉食邑凡二
十一萬石。

岡田僑曰朝倉敏景起於斯波氏將校乘時之
衰亂代其君為越前守護而至義景終為織田
氏所滅者雖其庸懦淫昏有以自取然亦由敏
景惑溺浮屠氏貽孫謀之不藏焉夫自敏景信
一向僧伽藍塔閣相望國中其徒遂蔓延於加
賀能登越中其禍至貞景而極矣加賀富樫氏

能登畠山氏皆為僧徒所滅當是時朝倉氏危
急不可道也特以貞景英斷加以教景輔翼幸
而得破賊宜乘其勢勦殄醜類痛斷禍根以戒
後世子孫奈何不自懲猶信其教也義景不墜
祖先覆轍反以僧徒為可依賴末路復為其所
窘可謂惑之甚矣。

又曰淺井亮政滅京極氏取其國篡奪之罪固
不容誅也獨其勇武智略可謂一時之雄矣長
政用兵頗類亮政然暗於見機果斷不足余嘗

日本後記 卷之十六 四十五 萬卷樓藏版

咎長政不覺信長欺詐恃婚信約導其兵以啓西南之道譬如開鎖鑰以納盜夫江越層齒之國可相合以救而不可離離則勢孤信長滅湖南此層亡之勢也湖南亡次必及越前越前亡則湖北安得獨全哉此勢之必然者長政非無疑於此而當時將士皆淺謀無遠圖以其與六角氏世仇也從惠講和欲倚信長以除六角氏不知其助寇亡援也豈非暗於見機之過耶

六角氏

信長遣柴田勝家攻六角義弼于鯉江義弼輸

織田信長入朝

城而去獲杉谷義住生理之地以竹鋸斷其首

三好氏

義繼臣池田丹後潛謀翻城納佐久間信盛兵

土佐一條氏

義繼自殺三好氏亡○是歲長曾我部元親滅其主

一條氏初元親託復祖父讎陰有兼並之志屢

略取鄰疆而一條康政房家之曾孫不能制至是既

滅吉良本山等六族並其所領六郡康政僅保

一郡而耽宴樂殺諫臣元親時之也與老臣謀

而逐康政康政奔豐後依大友氏元親徙康政

長曾我部元親自立為國主

子內政於大津以女配之元親遂自立為國主
求好於織田氏淨田氏以自固後康政入伊豫舉兵來討為舊
臣入江左近所給弒○山中幸盛既歸信長自請曰公征
中國臣請先驅願以出雲援臣主勝久信長許
之○二年正月元日信長宴諸將於岐阜酒二
行謂衆曰我有佳肴請佐飲焉令左右出示義
景長政首首皆塗以金粉諸將笑曰有此好下
物何辭滿酌也信長因各賜刀劍以賞其功極
歡而罷○三月信長入朝詔叙從二位任參議

好下物

織田信長截黃熟香

信長以足利義政故事奏請截東大寺黃熟香
所截一寸八分自取三分之一分賜其餘於諸
將尋歸岐阜○武田勝賴侵遠江陷德川家康
屬城高天神先是勝賴攻美濃拔十餘城至是
又陷高天神驕矜益甚高坂昌宣憂之乃說勝
賴曰君狃勝不戢構怨四鄰非長久計宜返地
德川織田一氏與之連和稍取東國厚集其勢
時勝賴專任嬖人長坂長間跡部勝資一人阻
之而止○信長討尾張長嶋賊平之初賊據險

日本正言 卷之十一 萬卷林齋

織田信長討長嶋賊

上杉謙信取能登

拒守應武田氏。信長與信忠將兵數萬二道赴討。信雄與瀧川一益等以舟師會之。連戰破賊。賊保五城。大鳥居城賊遁。柴田勝家等追擊。殲男女一千人。截其耳鼻。盛之一船。送致長嶋。篠橋城降。長嶋賊棄城而走。信長擊破之餘。衆奔大坂。信長遂燔殺二城。男女一萬人。臭聞數里。乃使瀧川一益守長嶋。割伊勢五郡授之。○是歲能登守護畠山義隆為其臣。游佐某所弒。上杉謙信將兵二萬入加賀。屠金澤。移兵誅游佐。

長篠之役

取能登乃休兵一日。屬九月十三夕。月色明朗。謙信置酒軍中。會諸將士。酒酣自作詩曰。霜滿軍營。秋氣清。數行過雁。月三更。越山併得能州景。遮莫家鄉憶遠征。遂為政國中而還。○武田信虎卒。信虎在外三十餘年。至是來伊奈。始見勝賴。勝賴欲載歸。視其兇暴如故。乃止。未幾卒。年八十一。○三年正月。信長分遣吏於近畿諸國。治道路。植堦樹。造津梁。蠲關征。弛徭役。民大悅。○五月。德川家康與信長大破武田勝賴于長篠。

日本後巴 卷之十一 四十八

初家康臣大賀某叛通欵勝賴約襲參河事覺乃捕大賀窮治服罪勝賴已出兵聞大賀敗轉掠榆木家康擊卻之至是勝賴將兵一萬五千出參河圍長祿城守將奧平信昌松平伊昌堅壁拒守家康請援於信長信長乃以騎卒五萬赴之使其軍每人持杙與繩行宣言信長患京畿不能來援勝賴大喜信昌出戰卻敵敵絕其饗道城中食盡鳥居勝高強右衛門自請抵濱松告急家康慰勞之曰信長既在途吾亦將以明日

鳥居強
右衛門

發因留勝高自從辭曰城中延領遲報臣不忍留也即夜馳歸為邏兵所獲勝賴命解縛誘以厚賞使語城中信長家康不能來援不如趣降勝高偽諾之乃使甲士擁勝高既至城下大呼曰援兵尋至努力固守勝賴怒磔殺之因益嚴備張索濠上以防城兵通外家康率騎卒二萬先信長而進陣高松信昌望見之作書使鈴木金七齎往金七夜踰濠以刀截索汨而來達家康獲書辭曰城猶足堅守請勿輕進損兵家康

撈蝦舞

以告信長。既而大兵並至。勝賴欲戰。諸將皆諫之。譬人長坂長間。跡部勝資獨勸之戰。勝賴乃留小山田昌行等當長條。親勒兵為十二隊。家康用酒井忠次計。欲分兵出敵軍後。焚鳶巢壘。而未告之信長也。信長諸將視敵軍。整氣頗沮。忠次往謂曰。臣請明日決戰。信長曰。汝之勇果如所聞。因命酒觴忠次曰。聞汝善撈蝦舞。為我一為之。忠次起舞。眾叩腹和之。舞畢。議戰。忠次以其計告信長。乃附忠次以兵五千為鄉導。家

蝶鏡二

康亦使松平伊忠等率二千人助之。忠次約曰。至則舉燧。乘夜踰嶮。達鳶巢。信長列柵三重。用杙與繩立成。使銃手守之。家康命大久保忠世其弟忠佐為先鋒。昧爽。忠次舉燧。焚諸砦。尾張參河兵觀而皆大奮。忠世與忠佐出柵外。誘敵。敵軍縱至。一人周馳健鬪。時忠世背旗以蝶為徽號。忠佐以鏡為徽號。信長望見之。使人來問曰。蝶鏡一旗之督眾如臂。使指敵乎。我乎。家康對曰。皆僕家舊臣也。信長歎其多佳士焉。已而

甲斐軍進逼柵信長乃傳令萬銃應機齊發家
 康軍攢槍橫擊甲斐軍遂大潰信昌伊昌出城
 夾擊馬場信房使勝賴逃去獨止戰盡亡其騎
 自登高邱度勝賴已遠乃大號曰我馬場美濃
 也宜斬以受賞馳赴敵死是日自卯至午戰凡
 五十八合斬首一萬餘級武田氏宗族宿將殆
 盡先是勝賴以萬人附高坂昌宣留拒越後至
 是昌宣豫慮軍敗也率兵迎勝賴於境上以歸
 信長稱勝高之忠烈厚禮葬焉。

安積覺曰鳥居勝高古之解揚也若東漢閻溫
 之於馬超東晉周崎之於魏人唐劉感之於辟
 仁杲皆反其言以成命亦揚之徒也溫為超所
 殺崎為魏人所殺仁杲埋感至膝馳騎射殺勝
 高為勝賴所磔殺慘酷之極殆與感相類也勝
 高唯知舍生取義勝賴之賂我不知命也是故
 決然行之而不疑毅然處之而不顧至今凛凛
 猶有生氣豈非烈丈夫也哉信昌以拒守之功
 世受茅土之封勝高中於所事而有功於當時

忠臣義士何代無之較之四子殆有過焉貞能
信昌愛養死士竟得其力父子之將畧亦可以
概見矣。

山縣禎曰勝高殺身以全君命亦以活一城之
衆可謂仁義之士矣當天下滔滔亂賊相踵之
際而得士如此亦足以見德川氏養人之懿矣
家康既與信長凱旋召見信昌賞其堅守加賜
米邑數日親往岐阜謝信長亦謝曰卿為吾拒
東面數年吾因得以定京畿卿之功也時忠佐

以武田
氏比殷
村

扈從侍坐信長記蝶鏡二旗長篠之戰稱為絕
類逸群賜忠佐衣服又賞忠次功賜薙刀家康
辭歸○家康與子信康攻諏訪原下之更名城
曰牧野以武田氏比殷村也使松平忠次守之
賜偏諱改名康親○上杉謙信入加賀攻松任
城信長赴援謙信疾攻拔城斬守將蕪木高秀
使人齎其首贈信長謂曰公當一戰吊之明早
將相見信長曰諾即夜退軍設伏以俟諸將欲
追擊謙信曰信長豈徒歸者哉亦引還○越前

織田信長入朝

假守前波長俊失政。朝倉景健等與一向僧徒作亂。據越前加賀諸城。以應大坂賊。信長親將討之。景健斬賊帥乞降。不許。誅之。景健從士三人伏刃殉之。信長恤二人妻孥。分兵索賊。斬獲五萬人。遂平之。以檜屋大聖寺一城授梁田出羽鎮加賀。分越前三郡授前田利家。佐佐成政等以其餘八郡授柴田勝家。城北莊足羽使居焉。乃班師。尋大坂賊乞降。許之。○十二月。前此二月。信長入朝。詔聽昇殿。超拜右大臣。信長固辭。即任權大納言兼右近衛大將。信長從弓部百人入拜。謝帝。召燕便殿。賜以天杯。至是復入朝。詔除信忠於秋田城。介信長奏請其臣爵命。明智光秀為日向守。木下秀吉為筑前守。信長素有西略之志。欲使諸功臣繼九州名族絕而無後者。乃命各冒其姓。明智光秀冒惟任氏。塙直正冒原田氏。梁田出羽冒別喜氏。丹羽長秀冒惟住氏。信長謂諸將曰。我他日得平定天下。則使汝輩實彰前哲也。秀吉慕丹羽柴田二氏。

木下秀吉改氏羽柴

辭。即任權大納言兼右近衛大將。信長從弓部百人入拜。謝帝。召燕便殿。賜以天杯。至是復入朝。詔除信忠於秋田城。介信長奏請其臣爵命。明智光秀為日向守。木下秀吉為筑前守。信長素有西略之志。欲使諸功臣繼九州名族絕而無後者。乃命各冒其姓。明智光秀冒惟任氏。塙直正冒原田氏。梁田出羽冒別喜氏。丹羽長秀冒惟住氏。信長謂諸將曰。我他日得平定天下。則使汝輩實彰前哲也。秀吉慕丹羽柴田二氏。

日本正言 卷之十六 高杉村藏版

威名請改氏羽柴秀吉以桐為號以金瓢為馬表曰吾必積千矣因稱千瓢

○是歲嶋津義久平大隅○明使來豐後贈虎

象孔雀等於大友義鎮○四年信長徙治于近

江安土起天主閣閣凡七層高九丈餘窮極壯

麗留信忠守岐阜岐阜備武田氏安土備上杉

氏○越後將士以甲斐兵敗於長篠欲乘之謙

信曰我與信玄數十戰不能取及其死侮弱手

乘敗取之何以對天下○四月信長入朝詔使

修二條城為館及成信長不敢自館請獻之皇

織田信長
長城安土

織田信長修
二條城

太子居焉○大坂賊復叛與武田上杉毛利氏

相結毛利氏餽糧船六百以兵艦二百護送之

以援信長遣佐久間信盛惟任光秀原田直正

筒井順慶等將兵三萬赴討令守天王寺時溝

壁未成乃刺殺牛馬張其皮代壁以杆矢石賊

壘于木津難波直正攻難波賊以銃手要之直

正戰死之賊遂以萬餘人圍天王寺信盛與光

秀順慶等堅守拒之信長聞急自安土馳至冒

矢丸而進城兵望見之開門出戰夾擊大破賊

日本正言 卷之二十六 高教本藏

織田信長入朝

信長殺北畠具教

追北至大坂城門斬首二千餘級乃整軍引還
○十一月信長入朝詔叙正二位任內大臣○
信長殺北畠具教初具教既與信長惡居常快
快兩家將士交相凌轢會具教臣毆辱信雄侍
童信雄愧憤訴之信長信長怒誘北畠氏舊臣
藤方刑部長野左京等圖具教暗以邑刑部使
其臣輕大膳代已往於是左京大膳潛兵上謁
具教不覺延見二人左京直取楯上槍刺具教
具教驚起避之將拔刀左右有內應者膠其鞘
刃不脫遂弑之及幼兒一人時信雄亦將攻多
藝城將北畠政成先遣一刺客刺政成政成方
憑几讀書一人跳進欲搏之政成有臂力引碁
局投之腦碎斃一人逃走擲小刀殺之既而信
雄與左京往攻城兵擊卻之會羽柴秀吉率三
千人攻破櫻嶺口兵爭入政成血戰將士死傷
略盡乃自殺舉族死之具房素不得愛於具教
且為信雄義父以故免死囚於瀧川一益家具
房

後得釋八年卒自顯能至具房凡九世而亡○
刑部後落魄為人所殺大膳亦暴罹疾死世以

日本文記 卷之二十六 五十五 萬卷樓藏

為弒逆之報 ○是歲足利義昭自紀伊至備後居鞆
 津毛利輝元擁護之信長由是與輝元構兵云
 ○西洋人來豐後贈大礮於大友義鎮 ○五年
 紀伊賊雜賀孫市作亂由本願寺光佐煽動也
 信長遣信忠信雄等討降之 ○十月先是信長
 招降能登人長重連命據穴水城以圖上杉謙
 信謙信遣兵來攻重連告急信長信長乃遣羽
 柴秀吉等助柴田勝家赴援秀吉不告而返至
 是謙信自將攻穴水拔之斬重連信長遣勝家

等已亦潛來助之謙信使使約戰信長復逃謙
 信笑以信長為巧於奔者遂陷金澤入越前其
 勢甚銳信長退保北莊遂退入長濱謙信以天
 寒雪下欲班軍乃贈信長書曰公委勝賴於家
 康而自居安土蓋備北人也公數與都人士戰
 未觀北人伎倆請期明春西上與公相見因贈
 越後布千端信長延見使者言曰信長何敢與
 公角公來將脫劍插扇單騎以迎謁公義人也
 信長所綢繆必不見奪也使者復命謙信哂曰

日本正言 卷之十一 萬卷樓藏版

織田信
忠誅松
永久秀

信長甘言以愈人其姦雄可憎乃歸○織田信
忠攻松永久秀於志貴誅之初久秀之降也德
川家康嘗謁信長見一老翁侍側問其為誰信
長曰此松永彈正也弒將軍叛三好焚大佛殿
此三者人之所不敢為而彈正為之也久秀默
然大愧自是深怨信長遂叛與雜賀大坂賊連
和據志貴城信長使信忠討之至是久秀遣使
大坂約期夾擊使者誤入佐久間信盛營信盛
執之獻信忠信忠與信盛謀令死十二百偽雜

賀援兵一夜至城門門開而入信忠急攻之二百
人在內鼓譟應之城兵驚擾久秀登天主閣縱
火自焚而死其子久通以下皆被捕誅大和遂
平久秀嘗稱城樓曰天主閣天主閣之名自此
始久秀好天主教天主教之徒設樓觀祭天主故城樓亦因名焉
山縣禎曰久秀悖逆不道罪不容於死久矣而
屢叛屢免誅以至於今其死也晚矣上失利使
亂賊脫綱而跋扈亂之無已職之由有天下者
之過也

日本正言

十一月信長任右大臣信忠任左近衛權中將

○信長外優裕而內猜吝羽柴秀吉憂之自謂

吾受大封必不能保終因欲表其無慾請養信

長少子秀勝後丹波少將為子讓之以祿信長喜時

畿內略定而毛利輝元既納足利義昭又與淨

田直家結直家東窺播磨播磨人赤松義祐兵部

輔別所長治小三郎黑田宗圓皆求援於信長先

是信長譴秀吉之敗於北陸也至是授秀吉記

幟命為西征大將使略山陽山陰以償其罪秀

吉感奮臨發謂曰臣定中國則願以封功臣臣

則直進下九州九州下則願賜其歲入造船進

入朝鮮朝鮮得取則願以其土賞其功臣乃用

土兵攻明合二國歸君掌握是臣之宿志也信

長笑其大言遂許便宜從事於是秀吉將兵數

萬入播磨攻佐用拔之進取上月城城屬直家

直家在岡山發兵來援秀吉勵兵奮擊走敵遂

拔城而還使尼子勝久守焉

賴襄曰國之所以治亂興廢可知已所以興且

治者由上下之相近所以廢且亂出於其相遠
無和漢古今一也當國之創建也上意下達下
情上通歡然無間而天下治及其久也則不然
上之人有其位負其權以驕其下而不恤也甚
則蹂踐之曰吾天子也吾關白也彼武人賤吏
耳而武人賤吏終覆天下而奪其權是王家之
所以變為源氏為足利氏也曰吾將軍也吾管
領也彼陪臣興僂耳而陪臣興僂終覆其天下
而奪其權是足利氏之所以變為織田氏為豐

臣氏也其變者天運也而必由人事而變當其
未變也上尊下卑如天地然尊者曰驕逸卑者
曰勤勞驕逸者曰愚而勤勞者曰智智之極者
足以取天下而愚之極者不足以保其身人事
然也愚者常在上以役智者不能久而不變則
天運然也細川斯波畠山三氏為足利氏之管
領而關東之管領為上杉氏斯波氏先亡畠山
氏亦微而細川氏與上杉氏張於東西其宗族
各爭相食槩皆庸才無大相過是以數世莫

或勝負而細川之臣三好氏上杉之臣長尾氏
乃有雄傑者足以制其主專其權於一時而終
籠罩一切而掃蕩之者出於斯波氏之臣繼其
墜緒而成其大業者又出於其臣之臣蓋天厭
天下之亂顧足利氏之不足撥此也故生此等
人以輔天子而治天下不得曰足利氏之陪臣
與僮也不然陪臣與僮何以能為右大臣為關
白乎及至於此嚮之所螻蟻視之者我仰其鼻
息之不暇蓋竊歎曰此位唯我家可為而至彼

為之豈非大變乎不知其變者乃不能不變也
天也雖然變至此極而不變者存焉何歟曰最
下者反居最上而其上一等終不可冀是我國
之所以異彼殷周秦漢唐宋明者也

十二月德川家康任右近衛權中將○六年正
月始行節會時兵亂相踵朝儀久廢至是盡復
舊典觀者稱信長功云○別所長治叛據二木
城附毛利氏信長又遣羽柴秀吉討之○二月
上杉謙信卒年四十九卒後先是謙信遺信長

上杉謙信卒

書約今春西上相見乃大徵兵至是北陸諸國
兵應檄雲集先發一日疾作遂不起謙信少削
髮不蓄妻妾故無子前養北條氏康子景虎後
又養姪景勝景政之子爲子至是二人爭立相攻景
虎敗死武田世言兵法必並稱○信長聞謙信既
死景勝景虎之構兵大喜撫掌曰天下自是定
矣加賀能登越中厭亂悉降信長信長乃授加
賀於佐久間信盛能登於前田利家又授越中
於神保越中令佐佐成政佐之○關白晴良罷

○信長辭右大臣右近衛大將○毛利輝元遣
吉川元春小早川隆景將兵七萬攻上月城羽
柴秀吉赴援數失利信長使荒木村重援秀吉
更遣信忠信雄信孝等率諸將繼之兵凡十萬
人○六月秀吉與元春隆景戰軍皆騎兵馳突
而入則吉川元長元春之子令士卒跪秀吉兵不能
入遂巡去則元長又令起如此者再三秀吉遂
敗績信長知其難令信忠班師上月遂陷守將
尼子勝久自殺山中幸盛復降毛利氏尋見殺

浮田直家附織田氏

荒木村重附毛利氏

○上月之役。浮田直家不敢援毛利氏兵。頗懷
貳心。遂遣使送款。信忠既而城陷。直家欲伺間
以圖元春。隆景謀泄。元春等不敢讓之。而西歸。
會僧惠瓊過岡山。直家要而執之。求還質。質戶
安之。毛利氏素寵惠瓊。乃還其質。○上月之役。
荒木村重不敢援織田氏兵。頗挾異圖。既而城
陷。惟任光秀又媒孽之。信長使人詰村重。村重
遂據伊丹而叛。信長親將討之。不克。初。信長之
擊義昭。村重首應之。信長大喜。會有獻饅頭者。

信長拔佩刀。貫饅頭于鋒。以陷村重。村重進。開
口受之。信長笑曰。好男子。攝津十二郡。任汝剪
取之。終如其約。至是。光秀嫉村重。以新進聲績
出已右也。力讒之。村重遂叛。應毛利氏。羽柴秀
吉聞之。親往伊丹。面諭村重。村重不從。共揮淚
而別。群下請殺秀吉。村重曰。彼肯輕身來此。殺
之不義。秀吉更遣黑田孝高說之。村重囚之。孝
高不屈。夷然起臥。村重亦不敢加害。○大友義
鎮伐日向。納伊東祐久。嶋津義久拒之。戰于高

日本正言 卷之六

里見義弘卒

城川大破之。祐久尋奔京師。初，義鎮好天主教，毀神祠佛寺，衆心不服。至是，敗績，鎮西豪傑皆背焉。嶋津氏軍威大振。○十二月，以前左大臣藤原兼孝為關白。○是歲，里見義弘卒。子義賴嗣。義弘勇而慈仁，愛民，嘗城于岡本，自巡視，或題和歌以諷。郡宰福原某貪殘，剝民之狀，義弘乃召福原，按治得實，褫職放之。○七年，內大臣藤原實枝薨。實枝，西三條實隆之孫。公條之子。繼父祖業，學兼和漢。三世至台司世。○信長至京師，賞孝子宗運，賜穀百石，復其身。○初，武田勝賴助上杉景勝攻景虎，北

織田信長入朝

明智光秀以母為質

條氏政大怒，與勝賴絕。至是，與織田德川二氏約曰：勝賴侵伊豆，則家康出兵駿河；侵遠江，則氏政出兵上野；侵美濃，則家康氏政並向甲斐。使信長母東顧也。○二月，信長入朝，遂如攝津。案行諸幣。○信長令惟任光秀攻丹波，招降國主秦秀治。秀治不肯，光秀送母為質。秀治乃降。光秀誘執之，檻送安土，磔殺之。丹波人聞之，磔光秀母。信長以丹波賜光秀，居龜山。中井積善曰：光秀餌母以邀功，犬彘不食，祿江

日本文已

卷之六

六十三

鳥卷樓藏版

侯乃易蕭斧之誅以茅土之賞君臣之間唯利
 之視二綱斃矣九法淪矣悲夫世俗或設忠孝
 兩途之論實惜乎大經矣若夫王陵趙苞徐庶
 之流失得之議藉藉於士林然是其母皆誤墜
 敵手也從違之幾決於不得已之日與挾詐術
 故意寘母于死地甘蹈逆節者豈然異科光秀
 豺狼亡論已江侯之心將謂苟有功者雖犯五
 逆而吾必貫之則為其下者何所不至異日肘
 腋之變是舉有啓之抑前日孝子宗運之褒與

伊丹城陷

今日賊子光秀之賞何不相似之甚也蓋鄉者
 好懿之良心觸發不可停而無私念以汨之今
 者先之以怒氣乘之以利心不暇自省故一人
 之身一時之事而邪正相反至於若此可勝歎
 哉易稱懲忿窒欲善矣夫

信長遣瀧川一益攻伊丹陷之初信長數攻荒
 木村重村重乞援毛利氏踰歲援軍不至糧食
 且竭乃畱族入守城而夜潛逃如華隈尼崎黑
 田孝高乃得歸至是一益諭城兵曰汝主怯恇

棄城遁去。汝為怯主，致死曷若降我，樹功名哉。荒木某答曰：請釋妻孥，則往說村重，使致華隈、尾崎二城也。一益許之，乃質其孥而遣之。二城拒不納，某遂晦迹逃去。信長命礫其孥百二十人，以示二城兵。○是歲，長曾我部元親畧讚岐。先是，三好康長在河內，其子式部以岩倉城阿波降元親。式部誘殺其族十河存保，三好長治之弟三驍將存保勢削弱。於是元親又并阿波七郡，威震四國。○八年，羽柴秀吉攻別所長治于三木，長

羽柴秀吉定播磨

治致城自殺。信長以三木授中川清秀。○二月，帝遣前關白前久中納言藤原晴豐等，詔信長與大坂僧徒和。又遣使大坂諭僧徒，本願寺光佐顯與其徒屬議，遜于鷲森雷子光壽，致城。○是歲，羽柴秀吉盡定播磨，使浮田直家以備前美作，兵圖毛利氏。毛利氏兵入美作，直家率兵圍三宮城，守將村上勘兵衛以驍勇聞，出城拒戰。直家部將岡平內躍馬進，與搏伏之，遂斬之城。即下。○信長召見耶穌之徒，館之安土城南。

日本書紀卷之六十六
正勝
耶蘇徒稱宇雷
嘉牟伴天連云
○佐久間信盛及子正勝自戍
天王寺凡五年翫寇殖利不事進取信長以書
數其罪辭氣甚嚴信盛父子不能答乃削髮遁
于高野部將皆散後一歲信盛死信長召還正
勝○出羽取上義光與城取家衡構兵遂殺家
衡義光源義家第二子足利義國之裔也家取
上郡因氏焉又與陸奧伊達輝宗戰大破之輝
宗持世六世孫也○九年二月信長入朝時呂
宋貢崑崙奴信長召見之伴天連率崑崙奴而

出羽取
上氏

陸奧伊
達氏

織田信長入
朝
呂宋貢崑崙
奴

至按本書呂宋為幾利支丹國○信長大閱馬為將皇宮東

請帝臨視焉○先是德川家康攻高天神踰歲
不下至是城中糧盡餓死相枕遂拔之斬級六
百餘○四月關白兼好罷以左大臣藤原內基
兼冬代之○先是羽柴秀吉徇下但馬因幡諸
城獨鳥取丸山一城不下至是秀吉使弟秀長
攻丸山絕其糧道一城食之毛利氏將吉岡質
休夜襲秀吉營奪其馬標千瓢秀吉怒攻丸山
益急其牙兵加藤清正寅之助後等奪擊多獲

加藤清
正

日本書紀卷之六十六
高卷樓載版

日本書紀卷之六十六
高卷樓藏版

武田勝
賴城
斐崎

首級。清正年甫十八。秀吉欲誅國人免毛利氏。將吉川經家。經家弗聽。與一城將領皆自殺。○德川家康數攻武田氏。克之。勝賴疆土日削。穴山信長說勝賴曰。先公威震四鄰。故所居不設城池。今與尾張參河交兵。又與相摸構隙。二國合謀來擊。勢不可支。不若城險要以保之。勝賴曰。善。於是大城斐崎而遷焉。名曰新府。○穴山信長素為勝賴姊夫。勝賴約以女妻其子武田信豐。賂嬖臣長坂跡部一人為其子求婚。勝賴

大膽
藤吉

從之。信長以是怨勝賴。密送款織田氏。木曾義昌義仲之後也勝賴妹婿也。苦勝賴誅求陰降信長。請導其兵。信長求任子。義昌乃送質安土。信長悅。遂誠師期。○十一月。羽柴秀吉既定播磨。因幡等五國。城姫路而居焉。至是秀吉赴安土。卽夜謁信長。信長撫其面曰。女面非復昔日。藤吉日日秀吉獻寶刀一。鞍馬百。土物五千。布旅敵地。信長觀之欣然。謂侍臣曰。此藤吉之所獻乎。何其大膽。乃饗而遣之。○十年正月。武田勝賴

日本書紀卷之六十六
高卷樓藏版
六十七

日本書紀卷之六十一
高祖天皇二十一年
萬葉集卷之六十一

修伊勢大廟

聞木曾義昌通信長大駭欲發兵擊之阿部忠高曰地險且雪不可猝行臣請往說之緩其反計而公兵稍繼其後可也勝賴不聽遂使武田信豐率兵赴討義昌逆擊破之○浮田直家卒子秀家嗣直家攻城畧地皆出詐術性尤殘酷少恩○信長奏修伊勢大廟初天武帝詔每二十年改造兩宮弘安已後不舉至是復舊制○二月前關白前久任太政大臣○信長與信忠將兵十二萬伐武田氏信忠先進從岐蘇入勝賴信勝聞之令諸將

桔梗原之役

分守險要瀧澤尤險下條信氏守之信氏部將導信忠先鋒川尻鎮吉兵納之信氏乃遁松尾城主小笠原信嶺以城降飯田小山一城亦陷木曾義昌再破勝賴前軍獻捷信忠分兵助之軍桔梗原勝賴在諏訪會諸將議戰城昌茂織部曰臣請得假兵五千為前鋒使小山田昌辰真田昌幸等以餘兵繼嬖臣長坂跡部二人沮之阿部忠高曰臣遣間覘敵敵深入而陣離兵分可直襲也一嬖又沮之信忠進陷大嶋城甲斐

信濃士民素苦勝賴苛虐爭先來降德川家康以二萬餘騎為聲援攻駿河諸城陷之穴山信長既降在江尻家康遣長坂血槍說之為鄉導三月家康招田中守將依田信蕃右衛門佐以厚祿辭曰吾救國難未暇營生諏訪軍潰勝賴退入新府信忠合兵攻高遠高嶋深志諸城陷之遂入甲斐家康自市川亦入甲斐北條氏政以兵三萬臨境上於是大軍絡繹四迫而新府城壁未完四方敗聞日至勝賴欲徙避之信勝獨奮

武田勝
賴入天
目山

曰甲斐之建國傳世二十八歷年四百今眾叛親離我錄盡矣避將何之當徐自裁而已勝賴未答小山田義國左兵衛佐欲誘執勝賴以市織田氏也乃勸徙其邑岩殿拒守真田昌幸謂我邑吾妻尤險乃請往以保守勝賴將從昌幸言二嬖又沮之遂從義國言義國先歸當是時信長發安土信忠進取古府勝賴父子赴岩殿顧望二府君臣相顧泣下至柏尾義國使人絕關拒之勝賴狼狽失措乃走入天目山兵僅四十人

初小宮山友信膳內數諫勝賴請除一壁又與小山田將監爭事竟以諸廢至是單騎追及因土屋昌恒請從勝賴許之友信問昌恒曰長坂安在曰昨逃矣跡部何若曰亦逃將監何若曰逃已數日矣友信曰唉吾知有今日久矣勝賴默而俛首既而信忠遣瀧川一益圍天目山山僧與村民謀導其兵索勝賴時勝賴妻北條氏從焉勝賴諭往小田原北條氏矢死不聽又諭信勝奔陸奥信勝不聽一益兵奄至衆飢不能起

武田氏亡

勝賴令左右殺北條氏及諸姬遂與信勝及友信昌恒等力鬪而死武田氏亡勝賴年三十七信勝年十六中井積善曰甲之事可勝歎哉當初信玄以悖逆得國神人所共棄特以長武事併吞四隣衆力勝天乎一時以勝賴之昏愚從幼所徇莫匪亂賊劫奪之事是以淑慝亡辨凶器弗戢竟以至身膏鋒鏑覆宗絕嗣宜矣世以成敗論人亡國之罪特責諸勝賴而不知其既隲於信玄篡國吞隣威震一世之時也乃徒爲信玄惜後嗣

不肖抑末矣有國者固當戒於勝賴而尤當鑒於信玄焉爾

青山延于曰自古人君用邪臣未有不亡者也上杉憲政之於菅野今川氏真之於三浦武田勝賴之於跡部長坂皆聽其邪謀以誤國家大計竟以亡國闇主所為如出一律可悲也夫

一益從士伊豆長光所勝賴獲其首信忠齋之獻信長于波合信長大喜賞信忠功賜以傳家寶刀視勝賴首罵曰汝父終身以入京師為志

吾今使汝繼其志也乃送其首於京師梟之信長進陣諏訪收武田氏族信綱信豐及一嬖義國等數十人數其罪皆誅之其餘為家康所庇多免死初信長以勝賴首傳示家康營家康下胡床加禮嘆其以大族之胄遂至覆滅曰豈非天哉甲斐信濃士民聞之竊歸心德川氏○信長論功行賞賜駿河于家康甲斐于川尻鎮吉上野于瀧川一益諸降將穴山信良等因舊邑而增損之尋定法制十五條授一益以為關東

織田信長
長饗德川家康

管領遂凱旋。○先是六角高定義賢嘗勸義昭圖信長不成。高定走依武田氏及武田氏亡。高定匿惠林寺。信忠令人焚惠林寺。僧徒死者八十餘人。○太政大臣前久罷。○五月德川家康與穴山信良至安土而謝。信長待之甚渥。令惟任光秀饗之。光秀盛備供具。會羽柴秀吉入備中圍高松城。乃馳書報曰。城陷在旦夕。而毛利氏大舉來救。請遣出大旆親臨焉。信長得書喜曰。是天與也。一舉可取。乃下令大徵兵。命池田

好禿顱

明智光秀
弑織田信長

信輝細川忠興等為先鋒。促期發遣。而光秀亦與焉。光秀怒曰。享禮未竣。又命遠役。吾何能堪哉。悉投供具於湖水。馳還丹波。初信長待將士不設禮節。嘲嗔娉罵。以為常。嘗飲將士酒。光秀逃酒。信長捉而伏之。拔刀脅而強飲。又掖其手。擊頭曰。好禿顱。可以為鼓。光秀慙恚。光秀為人。文深殘刻。至是自謂。信長欲殺我乎。何言動之。暴遂有異心。而信長不之覺也。乃以小隊如京師。館本能寺。信忠館妙覺寺。○六月。惟任光秀

弒其主前右大臣信長及左中將信忠初信長
 寵森蘭丸可成之子嘗許下三歲後授志賀郡郡時
 屬光秀光秀在屏後聞其言自揣我之死在三
 歲後至是馳還龜山途會部下為連歌或供粽
 焉光秀不脫包而食卒然問人曰本能寺隍深
 幾尺衆異之既而密會其腹心明智光春左馬助
 齋藤利二等曰我有大事卿等能為我死乎不
 則速斬吾頭僉愕眙相視曰唯命是從光秀曰
 右府惡我屢欲殺我今事已迫不如先之也遂

與之盟悉丹波兵即發宣言奉命西援羽柴秀
 吉夜度大江山至老坂右折則赴備中左旋則
 向京師光秀乃左士卒驚異比濟桂川光秀揚
 策號曰敵在本能寺矣衆始知其叛昧爽呼噪
 圍寺信長在卧内驚起曰有叛者乎蘭丸出視
 之曰光秀叛信長罵曰逆豎亡狀自射殪數人
 弦絕執戈而鬪傷右手蘭丸及二弟坊丸力丸
 等宿直者二十餘人皆力戰而死信長走入揮
 姬妾使逃去縱火自殺十九年四信忠聞變大愕馳

赴本能寺。途聞信長已弒。乃退至一條第。使村井貞勝奉皇太子。送諸禁內。勒兵以待。衆僉勸歸國。舉兵。信忠曰：逆賊舉大事。豈有不塞我歸路者乎？與其鬪死於路。寧自殺于此。乃命前田玄以曰：汝還岐阜。取我兒三法。奔清洲。既而賊合一萬餘騎來圍信忠。兵僅二三百人。連鋒奮戰。死傷略盡。信忠乃從火自殺。年二弟勝長亦死之。按信長自代足利氏。挾天子令天下。殆十年而遇弒。山縣禎曰：信長英略偉度。尊天子。敬鬼神。正法

制嚴號令。天下服其威風。固非當世群雄之所能及也。然粗暴酷厲。往往有取怨於人者矣。夫為人上者。行己恭儉。接下有禮。猶恐有所不逮。以失人心也。故曰：一人三失。怨豈在明。不見之圖古之君子。其謹慎畏懼如此也。信長之於光秀。暴慢無禮。犬彘遇之。其取怨宜矣。惜哉。信長之材略。而無人君之度。以至亡身覆宗。後之爲君者。可不以鑒焉哉。

新井君美曰：信長殺其族彥五郎。以奪清洲。殺

弟信行而并其邑。又滅其族信安之家而取岩倉城。以其子信雄為義子於北畠氏。因滅其一族。以信孝為義子於神戶氏。而遂奪其邑。以妹妻淺井氏。而終亡之初。奉義昭而舉兵以討。不服。既而逐義昭。欲直挾天子。以令天下。二好義繼松永久秀弑君之賊也。初以討之為名。既而受其降。以收其用。叛賊之罪。舍而不問也。信長天性殘忍。以詐力得志。其不令終所自取也。非不幸也。

明智光秀置所司代

光秀既弑信長。父子置所司代。掌京畿之政。蠲都下地稅。遂欲取安土。馳至瀨田。城主山岡景隆美濃守燒橋而逃。初安土城中聞變。大擾。蒲生賢秀欲鎮衆拒守。將士多逃散。賢秀乃使氏鄉迎夫人以下。遁于其邑日野。光秀至。與其將士分取貨寶。遣使招其女婿細川忠興。不至。又招其友人筒井順慶。亦不至。光秀乃懼入京師。○初德川家康因信長勸與穴山信良共游觀京師。過至大坂。織田信孝迎饗焉。家康遂至界府。

聞變大駭欲直入討賊本多忠勝以衆寡不敵
 勸還國以圖再舉家康從之乃自間道赴伊勢
 行攘土寇遂航海還參河信長自懷猜疑不欲
 同行分道而去途爲亂民所殺○初羽柴秀吉
 圍高松城與毛利輝元相持累月秀吉視城西
 有甲部河乃築防於城南引河水灌之城不漸
 水數尺城兵困蹙結櫟而坐守將清水高治長
 門自殺出其衆輝元聞信長大舉且至也議行
 成秀吉許之盟有期而京師變報至秀吉大驚

羽柴秀吉與毛利輝元和

而故率數十騎徐出巡師輝元遣人趣期秀吉
 卻之曰當俟明日而議黎明使者復至秀吉乃
 具告使者以變故使返報曰事已至此公等猶
 與我和乎若欲乘我釁則亟進旗鼓吾亦努力
 從事焉使者反命輝元大喜以爲機不可失乃
 會諸將議戰小早川隆景進曰秀吉不可敵也
 彼聞變既信宿臣使人伺其陣不異平日夫和
 議發於外而變故起於內使他人處之必深祕
 其衷速盟而去今秀吉連卻我使暴白大事無

所隱諱晏然觀我去就其量豈可測哉我如乘
 弊彼在死地我在散地捷未可必而彼讎我心
 深矣光秀固狂豎織田子弟將佐無出秀吉右
 者是天或啓之今視其厄而不渝則彼必德我
 宜遵約且遣大臣吊其喪彼倘得志我高枕有
 吾土此十全之策也輝元曰善乃令福原廣俊
 吊且盟毛利秀包出質於是秀吉欲還討光秀
 因乞毛利氏假騎一隊旌旗三十弓銃各五百
 輝元如其言秀吉乃發○秀吉移檄與諸將會

山崎之戰

尼崎先是織田信孝奉信長密旨聲言修艦於
 紀伊因急襲鷺森幾殺本願寺光佐而京師凶
 問至乃解圍還大坂及秀吉班師與丹羽長秀
 等亦來會焉○初光秀之發難也與衆謀曰方
 今羽柴秀吉柴田勝家以下諸人各當一方守
 禦我乘其虛得以成大事天下不足圖也至是
 聞秀吉且至大驚以兵一萬五千次洞嶺秀吉
 軍山崎光秀分兵上天王山秀吉謂堀秀政堀
 尾吉晴曰賊脫據天王山非吾利也一子其往

吉晴為人勇決。應聲而起。馳至山腹。則賊兵先上者已千餘人矣。吉晴兵十五六騎。弓銃手二十人。進躡其後。賊弓銃在前。不能拒。後騎與秀政軍亦皆至。縱擊殲之。秀吉遂與賊戰于山崎。高山友祥為先鋒。中川清秀。池田信輝。張左右翼奮鬪。大破之。賊率餘眾走。據青龍城。城兵稍散。光秀惶怖。將奔坂本。夜與十餘騎過小栗樓。土兵四起。自林中以槍刺光秀墜馬而死。光秀自舉事。十有三日而被誅。秀吉既破光秀軍。去山崎入京。

明智光秀伏誅

收信長尸於灰燼中。殯之。明日進陣二井寺。或獻光秀首。命梟之。本能寺遣兵攻龜山。拔之。斬光秀子光慶。令秀政代明智光春於安土。遇之大津。擊破之。光春騎渡湖水入坂本。殺光秀妻。擊火城自殺。其餘支黨悉伏誅。

中井積善曰。光秀狂謀。祇足以資羽柴氏之業矣。自古亂臣賊子。幾何不為英雄驅除。秀吉重義赴難之志。始酬而取威定霸之勢。既成。豈非織田氏無人哉。信雄聞變。數日而後出師。屢踰

境而罷。枕干之義。奚若。信孝悅秀吉之至。往會其師。此以公子從家臣也。其竝不足有為也。可見矣。

尾藤孝肇曰。秀吉為安土君。割髮素絹纏首。以討逆秀。其事與漢高。縞素伐楚。同彼猶有二老之教。此舉秀吉白為之。其見事機有敏於高祖者邪。所以能統一海宇。其先以此服人心也。

瀧川一益還質子

瀧川一益在既橋城。得凶報。部下將士懼有變動。欲秘喪而西上。一益曰。是不可終秘。自我發

羽柴秀吉定織田氏繼嗣

之亦卻好。乃急傳令悉還諸客將質。眾皆感激。請重納質。一益謝而遣歸之。○德川家康之歸參河。即日徵兵管內。討光秀。美濃尾張將士爭先送款。或勸急取一國家。康曰。織田氏故國。豈可乘隙奪之乎。進次熱田。聞光秀已伏誅也。乃引還。○秀吉以織田氏繼嗣未定。遂之清洲。謁秀信。師三法與諸將會。柴田勝家自越前。瀧川一益自武藏。丹羽長秀自若狹。前田利家自能登。其餘皆來集焉。議信雄。冑北畠氏。信孝。冑神戶

氏皆右府庶子。不宜立。以秀信爲信長嫡長孫。乃以信忠遺命立爲嗣使。信雄信孝輔居安土。以近江三十萬石奉秀信。餘悉分有之。曰。族孺子長還。信雄領尾張。信孝領美濃。長秀領滋賀。高嶋池田信輝領大坂尼崎。而長濱爲秀吉舊領。勝家以其南上便地取之。勝家坐次在諸將上。張威望。衆號曰鬼柴田。是日尤倨傲。飲酒謾罵挑秀吉。長秀附秀吉耳。密勸斬勝家。秀吉哂而不答。既而諸將各歸鎮。○秀吉以領播磨。但

鬼柴田

馬因幡丹波諸州獨辭不受分地。諸將乃使浮田秀家及丹後國主細川藤孝附庸之初。山崎之役。中川清秀戰最力。信孝下馬握手。慇懃陳謝。秀吉自輿中呼曰。瀨兵衛洵勞。瀨兵衛清秀俗字也。清秀心謂秀吉氣勢已吞天下矣。至是威望益隆。尋叙從五位下。任左近衛少將。○十月。先是秀吉既收信長燼骨。至是行葬儀于大德寺。公族諸將無來會者。秀吉自爲喪主。使弟秀長帥卒萬人監護之。資給甚厚。詔贈信長從一位太政

追贈織田信長爵位

大臣

山縣禎曰。秀吉厚葬信長。可謂有禮于其君者乎。然織田氏有子有孫。不使之為主。而秀吉自為喪主。何也。蓋秀吉時欲務外觀。以收人望。素非出於至誠者也。其欲代織田氏之意。有不可得而掩者矣。

秀吉專決京師事。又與信雄協心。以佐秀信諸將。多憚秀吉。柴田勝家固恃宿望。尤積猜忌。初信孝之歸美濃。憤怒曰。先君不幸罹禍。而我家

羽柴秀吉
織田信孝

奴輩擅立少子。以分取遺地。且吾與信雄同年生。特月日少後耳。而信雄專權。與秀吉沒吾復讐功。其氣貌竝侔篡竊矣。不速誅之。後不復可制。乃密與勝家及瀧川一益。佐佐成政。通謀欲除信雄。秀吉而氏家行廣。稻葉通朝等附之。約伺間。同發事。覺秀吉言於信雄。曰。越前多雪。勝家未能輒動。請疾伐美濃。信雄曰。善。秀吉乃與丹羽長秀等。合兵五萬。攻岐阜。行廣通朝出降。信孝佯求成質。其生母秀吉乃收軍還山崎。勝

羽柴秀吉復長濱

家欲援信孝阻雪不能出因欲待雪解發乃使前田利家等來請和秀吉許之利家還報勝家喜曰彼已墮吾術中矣秀吉謂左右曰彼欲怠我而襲其不意吾且破彼膽乃引兵至長濱勝家義子勝豐守焉勝豐素與勝家不協秀吉諭之使降勝豐以城降○毛利輝元既與秀吉和猶領八州吉川元春羞屈下於秀吉也居常快不快讓家元長而老○是歲德川家康與北條氏直戰于甲斐氏直敗請和且求婚家康許

井伊直政

羽柴秀吉入朝

之時上杉景勝既取川中嶋築砦四外家康遣兵拔前山高棚等諸砦於是甲斐信濃悉屬家康家康鎮一國多用武田氏舊制獨除其厚斂苛刑收山縣昌景土屋昌恒等四族之兵屬諸井伊直政軍裝皆用赤世謂之赤隊井伊氏兵自是強矣直政直親之子也直親世仕今川氏至直政仕德川氏○十一年正月羽柴秀吉入朝遂至安土議及雪未解取瀧川一益及雪已解圖柴田勝家乃將兵七萬五千二道入伊勢伐一益於長嶋織田信雄

出兵助之秀吉進至來名縱火焚城閏月攻龜山城兵堅壁拒守秀吉鑿地道倒井樓肉薄攻之城遂陷納之信雄又攻嶺城○前關白前久任太政大臣○柴田勝家欲與一益夾擊秀吉使佐久間盛政將步騎二萬出陣柳瀨秀吉聞之留蒲生氏鄉等以當一益而自引諸軍至賤嶽望敵軍曰是不可以猝拔也乃築連珠砦留諸將而自退次長濱勝家大舉至柳瀨羽柴氏兵堅壁不出○四月織田信孝復作亂應勝家

羽柴秀吉殺織田信孝質

一益縱兵劫略信孝生母質在清洲秀吉怒磔殺之遂率兵至大垣

中井積善曰凡殺質泄憤以絕敵人牽連之意非良圖也况羽柴氏之於二郎其主之子也其生母其主之諸姬也且二郎之舉兵一婦人何知焉乃處以極刑遂加兵岐阜意在必殺使二郎不復得悔罪更過焉其所名師則曰我助二郎討叛者也然其雄飛之志深害一公子居其上乘覺先除其一也苟以此心處信孝亦何有

於信雄哉異日之事可知已。是皆可憎之甚矣。抑信孝棄母畔骨肉再犯以作兒戲之舉。不名爲狂逆則謚爲頑愚固不足齒列矣。

賤嶽之戰

秀吉將攻岐阜。山路將監謂佐久間盛政允曰。秀吉攻岐阜。子盍赴援。盛政曰。勁敵列砦。限以湖山焉。得踰而進。將監耳語曰。敵砦皆固。獨中川清秀壁賤嶽址。去我尤遠。而其備不固。吾間道趨之。出其不意。一舉可拔。秀吉在大垣。不能速來。子急擊勿失。盛政往告勝家。勝家悅曰。

中川清秀敗死

我分兵備諸砦。汝則往擊。擊而勝。速還。慎勿留也。盛政乃率步騎一萬。循余吾湖徑進。清秀兵飲馬于湖。盛政先鋒執斬之。其一人逃返告急。清秀大駭。與高山友祥以數千人出戰。盛政遣人繞出敵後。燬其外營。軍大潰。清秀退走。盛政乘勝尾之。清秀力戰終死。盛政使人報捷。送清秀首。因畱不還。勝家召還之。盛政答以兵疲。當俟明日而退。勝家又曰。便道才里許。宜亟還。克而懈。殃弗可測矣。盛政笑曰。老怯過慮。何足爲。

意使者五反而日暮其翌芳秀吉欲攻岐阜時
 天大雨未濟呂久河賤嶽報至秀吉知盛政軍
 未退乃踴躍曰我捷矣即命駛卒五十人先往
 募沿道民具炬火及酒食勛以厚賞曰將赴賤
 嶽善用意遂令堀尾吉晴等當岐阜而自提輕
 兵一萬五千叱咤疾馳及暮山谷皆炬餉者爭
 至士氣益奮北軍望見炬火甚多皆驚秀吉速
 至盛政將乘暗拔軍而退適月已出南軍追躡
 爭擊盛政戰且走柴田勝政三左衛門在麓欲與之

賤嶽七槍

羽柴秀吉殺柴田勝家

合而秀吉馬表已逼弓銃交發勝政兵立亡一
 百秀吉指揮益厲加藤清正加藤嘉明六孫平野
 長泰權脇坂安治甚福嶋正則市片桐直盛助
 糟谷武則助右衛門提槍爭進所向無前擒勝政又
 敗盛政斬首五千級遂復賤嶽世呼曰賤嶽七
 槍○盛政既敗勝家在核山聞之憾盛政不用
 其言果取敗曰吾自往決戰乃檢其兵兵已驚
 潰麾下僅二千勝家欲收散兵進擊家臣毛受
 勝介諫曰敗衄至此命之窮也臣請假君背幟

又左又左

代君効死君宜入北莊徐自爲計勝家從之秀吉追擊圍之勝介偽呼曰柴田勝家死于此終力戰死勝家得間走過府中與前田利家訣別走歸北莊秀吉長驅又至府中打利家城門連呼曰又左又左又左利家俗字也利家乃出迎遂從之國中諸城皆降散秀吉進至北莊盛政及勝家義子權六皆見執城中窮蹙勝家夜宴將士於天主閣慷慨曰終使猴奴成名死有餘憾矣乃與其妻織田氏信長之妹訣飲徹曉縱火自殺男女

織田信孝自殺

鬼盛政

三十餘人殉之北國悉平○秀吉復圍岐阜信孝恃勝家爲外援勝家已亡勢益單弱信雄又引兵來攻信孝戰敗其乳母子幸田某兄弟力戰死之信孝出奔內海信雄使人迫之自殺○秀吉斬佐久間盛政柴田權六於京師盛政素驍勇每戰用鐵楮人呼曰鬼盛政臨死歎曰吾不聽修理言以此恨不使猴面郎爲虜也乃從容就死修理勝家也瀧川一益降秀吉放之近江使信雄取其地又賞加藤清正福嶋正則等七

人功授祿各五千石。

中井積善曰是役也柴田氏知敗羽柴氏料勝英雄所見不約而同獨盛政狃小勝剛愎自用以喪師誤國易曰弟子與尸盛政有焉然責亦在委任焉者可不慎哉。

羽柴秀吉任參議

五月詔以秀吉叙從四位下任參議○十月德川家康任左近衛權中將○秀吉有霸天下之志自相地形謂洛邑山勢狹迫困於漕運且無地可列邸第不足以待諸邦會同莫若大坂宏

羽柴秀吉築大坂城

琉球使來

敞襟帶山河四達五通之便遂起十餘州卒大城大坂成而徙焉○是歲龍造寺隆信與嶋津義久戰于有馬敗死○長曾我部元親再略讚岐拔十河存保城存保走京師讚岐平○琉球使來貢○十二年正月初秀吉威權日隆織田信雄忌之秀吉欲激信雄除之乃流言秀吉有貳志至是織田氏諸將賀正於安土皆過見信雄秀吉至大津故不入信雄滋怒諸將和解之盟于三井寺信雄將岡田重吉長門津川義冬守

織田信雄與羽柴秀吉絕

允玄蕃淺井多宮多宮丸瀧川雄利三郎兵衛皆有膽略。秀吉善遇之。乃料陷彼以利。必聽。儻有弗從者。亦足以離間之。先盟而招四人誘之。三人皆從。獨雄利佯從。臨盟告之。信雄。信雄驚起。馳歸。長嶋遂議討秀吉。二人諫止。信雄曰。汝等畏猴奴乎。吾誅之。易何沮焉。三人稱疾不出。尋信雄誅三人。遂與秀吉絕。乞援於德川家康。時池田信輝與一督森長可。堀秀政。在美濃。信雄遣使招諭之。秀吉亦遣使說之。陷以大封。信輝心持兩

端。初信輝子輝政。質于長嶋。信雄曰。信輝寵於先公。恩遇殊渥。必不負我。今質其子。是以不誠待之也。乃送還輝政。信輝既收質。乃與長可秀政。決意附秀吉。○德川家康得信雄使。曰。吾受故右府之厚誼。而不救其孤於難焉。天下其謂我何。乃大舉赴援。用榊原康政言。命酒井忠次。修小牧山故壘。與信雄俱往。駐軍。○四月。家康大破秀吉於長湫。初秀吉以阿波土佐等諸豪。應家康圖大坂。未果發。遙令池田信輝據犬山。

鬼武藏

森長可陣羽黑以拒家康長可素號武稱武藏
 守人呼曰鬼武藏酒井忠次曰請一搏鬼武藏
 使知我參河武勇也乃與諸軍奮進擊長可遂
 敗之斬首二百級秀吉得敗聞大忿自將騎卒
 十二萬至犬山分爲十五隊自按地形仰視小
 牧山悔後家康乃起壘植柵以頓諸軍柳原康
 政爲信雄移檄敵軍言逆豎秀吉茂棄主恩加
 兵其遺孤天下萬民孰不激怒德川氏舉義圖
 征討親臨至此汝等當改過歸順不則盡戮莫

小牧之役

長湫之戰

宥秀吉覽之乃購康政首千金信輝等說秀吉
 請問道出敵背以擣參河秀吉許之且誡曰勿
 輕躁侮敵狃勝弛備已發家康謀知其謀乃率
 諸將夜半潛發皆卷旗裹馬銜躡敵軍後而馳
 先是家康築砦小幡以便參河往來至是全軍
 入小幡信輝前軍襲取岩崎城斬守將丹羽氏
 重遂向岡崎黎明家康先鋒急擊敵後軍大敗
 之敵將堀秀政返擊又敗家康兵時家康攜信
 雄向長湫捷聞敗報交至將士或懼或奮曰歸

保岡崎曰戰機勿失家康以一人言爲有理乃命擎金扇馬標遶出山後麾軍而進直與信輝軍相挑戰未決井伊直政以銃手橫擊敗秀政軍奪其陣兵益奮安藤直次當長可發銃長可勵兵挺進中丸而死家康大呼進其兵敵陣遂陷永井直勝觀信輝據胡床也舉槍鏖之餘兵皆走斬首一萬五千級家康察秀吉軍機甚敏卽收兵而退秀吉得敗聞忿恚曰信輝不從吾言今果取敗也吾親決戰乃奮袂起急擎金瓢

馬表疾馳赴之本多忠勝留守小牧慮家康必危自率兵五百追及秀吉與之並行相距可四百步秀吉左右請擊之秀吉謂大戰在前不可多損兵弗聽遂至長湫則家康旣入小幡矣秀吉歎曰家康可謂內外整者也然我旦日圍而取之遂舍龍泉寺忠勝見家康請以其生兵襲敵軍家康曰大勝之餘不可侮敵不許卽夜歸小牧旦日秀吉又來攻不及曰家康何迅也乃引兵還樂田益增壘柵與家康陣隔濠相持并

赤鬼

伊直政軍裝赤西軍最畏之。日曰赤鬼。○六月。前此一月。秀吉攻竹鼻守將不破源六致城而降。秀吉以竹鼻授一柳直末。市至是雷諸將守樂田。自引兵而陣大垣。修諸城砦。家康使酒井忠次守小牧。而收入清洲。信雄亦歸長嶋。家康尋入岡崎。○十一月。羽柴德川相持美濃尾張之間者。幾乎一歲。勝敗未決。至是秀吉陣羽津。信雄復出陣。衆名秀吉召富田知信。津田信季。曰。我受先君厚恩。以至此。而諸郎聽細說。遽欲

織田信雄與羽柴秀吉和

羽柴秀吉任大納言

誅我。我不得已。而出兵神戶。君既不令終。良爲遺憾。卿等爲我謝北畠君。盡棄艱苦。與共歡娛。二人乃之。衆名以告。信雄大喜。於是秀吉見信雄於矢田河原。修好歸大坂。家康至清洲。聞之。憮然。尋得上佐長曾我部元親。及故紀伊國主畠山貞政書。曰。夾擊樂田。家康歎其事。已後。勞使者遣之南海。兵皆解。家康遂還濱松。○詔以秀吉叙從二位。任大納言。○秀吉數遣使於濱松。求成家康不許。十二月。信雄自往濱松。謝出

德川家
康與羽
柴秀吉
和

援之勞。且謂曰。公與秀吉。非素有深讎。特為吾
 結兵耳。今我已行。成公獨何不解乎。秀吉無子。
 欲養公之子。予之何如。家康許諾。乃送庶長子
 秀康。扶丸。○越前中納言。於大坂。秀吉大悅。實質之也。授
 羽柴氏任參河守。○關白內基罷。○詔以信雄
 叙從二位。任參議。○初。佐佐成政起兵于越中。
 以應信雄。與前田利家戰。不利。至是。成政未知
 和議已成也。潛冒雪。至濱松。說家康曰。請君擊
 秀吉。吾亦舉兵。家康不許。又如清洲。說信雄亦

羽柴秀吉任
內大臣

羽柴秀
吉平南
海

不許。成政失意而歸。秀吉聞之。大怒。○十二年。
 以左大臣藤原昭實為關白。尋罷。○二月。詔以
 秀吉叙正二位。任內大臣。○是時北陸有上杉
 景勝及佐佐成政。四國有長曾我部元親。南海
 有根來及雜賀賊。各擁兵抗秀吉。秀吉欲先定
 南海。將兵十萬伐之。根來寺僧築二寨。悉銳守
 之。秀吉使秀次備二寨。自以兵六萬急襲根來。
 焚之。遂攻下雜賀賊。悉殲焉。於是撤諸關寨。以
 便商旅。遂凱旋。○丹羽長秀卒。子長重嗣。○秀

四國悉平

羽柴秀吉拜關白賜姓豐臣

吉將征四國長曾我部元親欲邀拒之其臣谷忠澄勸元親結和元親不聽秀吉遣秀長秀次將舟師六萬討之浮田秀家吉川元長小早川隆景竝帥兵會之所向皆克元親將士交勸和元親乃降秀吉怒其不亟降削三國授阿波於蜂須賀家政右衛門讚岐於仙石秀久十河存保伊豫於小早川隆景來嶋康親右衛門佐四國悉平

○七月秀吉拜關白賜姓豐臣初秀吉起微賤無姓氏始稱平氏中稱藤原氏於是欲為征夷

大將軍故事征夷之寄威係源氏秀吉病之時故將軍足利義昭寓京師秀吉乃求為假子義昭鄙其寒族不許焉至是右大臣藤原晴季菊亭氏為秀吉謀曰公既稱藤原氏宜為關白秀吉曰關白何物晴季曰位亞天子非征夷之比秀吉大喜乃諷關白昭實二條氏辭免秀吉請為關白廷議許之并覲之日諸將在京師者皆從儀衛之盛前代未之有也遂請賜新姓曰豐臣按吉襲織田信長故智以擅天下之權是為霸圖第四變

○秀吉將騎卒十

北陸盡定

萬攻佐佐成政于富山織田信雄前田利家並帥兵會之成政惶怖出降乃以越中授利家子利長加賀中納言初丹羽長秀以秀吉為有忠功於織田氏也枉意助之後大悔恨既卒長重猶幼及秀吉攻富山舊臣感長秀志相謀欲舉兵謀泄秀吉怒奪越前加賀徙長重于若狹秀吉遂與十餘騎踰峻直入越後與上杉景勝盟而去○秀吉遣金森長近略飛彈攻國司姊小路賴綱中納言滅之因封長近焉○秀吉置吏五人奉

五奉行

德川家康與真田昌幸戰

行政令淺野長政石田三成增田長盛掌諸訟獄長束正家掌錢穀前田玄以掌僧祝謂之五奉行○先是德川家康與北條氏直婚約以上野沼田易佐久郡沼田真田昌幸食邑也至是氏直請地家康令昌幸還致沼田昌幸不肯遂叛濱松送欵大坂家康怒遣大久保忠世平岩親吉鳥井元親擊昌幸相持踰月互有勝敗既而上杉景勝以秀吉旨往援昌幸家康聞而使諸將班師雷忠世守小諸○十一月地大震○

聚樂第
成

石川數正叛濱松降大坂。初數正子從秀康如大坂。秀吉資望日隆，諸名族入謁者皆被恩榮。數正竊歎之。秀吉亦以封邑招之。至是數正挈家出奔大坂。○是歲秀吉築第內野，名曰聚樂。○信雄任權大納言。○大友義鎮遺兵略筑後圍猫尾城。立花鑑連、高橋鎮種赴援，疾攻拔之。尋鑑連得病死于軍，眾大沮。諸將收兵退筑紫。廣門陷，寶滿城、城兵遁走巖屋城。義鎮聞鑑連死，深悼惜之。鑑連忠亮有勇，嘗夏日架源棚，大樹下晝寢，暴雷震擊，拔刀斬之，雷

長曾我部元親
謁豐臣秀吉

傷其足，既而視刀，有奇文。因號曰斬雷後赴軍，常乘轎云。○十四年正月，先是長曾我部元親謁秀吉於京師。及進見，昂然注目，不轉視。其意有變，欲刺秀吉也。秀吉溫言待之，以故不發。既辭，左右笑其不嫻禮節。秀吉曰：「否，彼眼光殊可畏也。」至是元親又如大坂，入謁秀吉，饗之。尋拜從四位下侍從。○先是秀吉遣使濱松，說德川家康入覲京師。家康恐其有變，不敢往。時遠近流傳秀吉大舉東下，家康乃修守備。至是秀吉又遣羽柴勝雅促其入覲。家

豐臣秀吉與德川家康約婚

康復不肯勝雅因說其利害得失家康怒而遣還之秀吉諸將堀秀政蒲生氏鄉等爭勸東伐秀吉不聽沈思竟日忽得一策召勝政曰彼亡室吾以我妹妻之彼寧不來乃奪其妹嫁佐治日向者秀吉之異父妹佐治聽命絕婚而自殺二月乃使勝雅及富田知信等四人往議婚別授密旨於淺野長政繼發四使至致秀吉意家康曰那料好意至於議婚然有二事約之而後聽乃書曰新婦有出不可為嗣故嗣子不可出質吾或

三事吻合

蚤世不可割寸地及長政至出秀吉手書亦有二條皆吻合焉家康乃約婚左右皆賀○大友義鎮入朝請討嶋津義久秀吉許之○四月秀吉使淺野長政送妹於濱松家康使榊原康政往告婚儀成秀吉見康政意小牧之役詆毀我者彼也曰吾嘗購子頭千金今我督家有材武如子者甚可慶也○上杉景勝入朝秀吉為奏叙正四位上任參議○嶋津義久自將入肥後遣嶋津忠長等攻筑紫廣門降之遂圍巖屋城

高橋鎮種守巖屋

先是高橋鎮種與廣門和使子直次守寶滿而自守巖屋立花宗茂聞其急遣兵赴援圍已合矣鎮種勵兵拒戰殺傷過當忠長使新納藏人遙呼說城中降鎮種登櫓應之曰我荷大友氏殊遇今視其衰而背焉將何以對天下乎且士死節難我寧為其難者既而城陷鎮種遂死城兵皆殉之無一人逃者忠長遂下寶滿執直次轉兵圍立花又遣使說降宗茂宗茂曰請進旗鼓我亦當一戰何以口舌卜勝敗秀吉聞立花

立花宗茂守立花

德川家康納豐臣秀吉質

急令毛利輝元長曾我部元親遣兵援之義久以兵疲命忠長等還軍宗茂出兵追擊大破之遂復巖屋○秀吉欲招諭嶋津義久使仙石秀久齋書往義久投書於地曰我族國于此十四世矣吾豈敢屈於猴面郎乎終不從○十月德川家康入朝任權中納言初秀吉益迫促家康入朝且約使其母旭臺為質衆皆疑其偽家康決意西上途遇旭臺至迎夫人見之信矣家康遂如大坂

山縣禎曰。豐公有西征之志。而不能無東顧之
 憂也。是以急求和於濱松。險謀詭計。其心亦太
 苦。竟至以其母為質矣。而不能免萬世不孝之
 罪也。公本以詐力得天下。不知以正道服人。其
 心愈偽。而其謀愈拙。書曰。作偽心勞。日拙。豐公
 之謂歟。

藤堂高虎

秀吉饗家康于聚樂第。諸侯悉與焉。秀吉顧左
 右曰。吾得快婿矣。一坐悚然。秀吉為家康起第
 于二條。命藤堂高虎監役。高虎近江人。少仕淺井長政。後事秀吉。

○秀吉奏請以本多忠勝。榊原康政為朝散大
 夫。家康臣僚受朝命自是始。○十一月。帝禪位於皇太孫。

